

१४१

दर्ता नं.:४८/२०७६/७७

पुर्खा दयक तकगु सम्पत्ति, भीगु कला व संस्कृति
पिकाक-भक्तपुर नगरपालिका



पुर्खा दयक तकगु सम्पत्ति, भीगु कला व संस्कृति

झयया

नेपाल संवत् १९४४ जला श्वः/२०८१ असोज १/2024 Sep. / ल्याः ११५, दाँः६

क्यूबाया कार्यवाहक महामहिम राजदूत
अबेल डिस्पेन्जता
स्वप नगरपालिकाय लसकुस

मोरङ लेटाङ नगरपालिकाया नगर प्रमुख लावती जू ख्वप नगरपालिकाय्
(२०८१ मदी १६ गते)



महालक्ष्मी नगरपालिकाया समाजसेवीपुं ख्वप नगरपालिकाय्
(२०८१ मदी २२ गते)



; DkfbSlo

@*! c; !h !, c^a\$!\$, jif{^

फुक्क पालिकाय् अस्पताल गुब्ले दैथें ?

नेपःया संविधानं आधारभूत स्वास्थ्य उपचार सेवा धेबा म्वायकः याय्गु दक सुनिश्चितता (पक्का) याडःतःगु दः । व खाँ पूवांकय्या निंति आ.व. २०७७/७८ या बजेटय् फुक्क स्थानीय तहलय् आधारभूत अस्पतालत दयेकगु खाँ क्वः छित । बजेट भाषणय् धःकाथं २०७७ सालय् हे साउन व पुस महिनाय् ३९६ गू व २६१ गू याडः ६५७ गू आधारभूत अस्पताल निःस्वानय्गु ज्या प्रधानमन्त्री निवास बालुवाटारं याता । उब्ले नं प्रधानमन्त्री एमालेया नाथो खड्ग प्रसाद ओली हे खः । नेदाया दुनय् दानय्गु ज्या क्वचाय्केगु तातुडः तस्कं भक्तिभक्काउ याडः क्वचाय्केगु अस्पताल निःस्वानय्गु ज्या भ्क्वः प्यदालिपा बल्ल ५५ गू जक क्वचःगु गुकी च्यागू पालिकाता लःल्हाडः बिय धुंगु अलय ४७ गू दानय् धुंगु बुखाँ प्याहाँ वल । मेगु ४२३ गू दाडः च्वना दक धायो च्वंगु दः । मेगु गुलिनं अस्पतालत जग्गा या ल्वापु व मेमेगु त्वहः पिकायो दानय् मफःगु धायो च्वंगु दः ।

संविधानं क्वःछिय धुंकगु ज्या खाँ पूवांकय्गु कुतः याय्गु थःता हे बांलाङ्गु खः । अथेनं भवन दानय्गु ज्या क्वचाय् धुडानं मःकाथंया जनशक्ति व स्वास्थ्यया ज्या भः (उपकरण) त बिय मफूगु धःसा बांलागु खाँ मखु । सरकारं दाडः च्वंगु आधारभूत अस्पतालत न्ह्याकय्ता अजनं हिन्ह्यद्व-च्याद्वति जनशक्ति तानय मःगु स्वास्थ्य महाशाखां धायो च्वंगु दः । अलय व जनशक्ति गथेयाडः ह्यगु धाय्गु पाख्य् धःसा सरकारं ध्यान मतःगु स्वापु दःपुं पदाधिकारीपिसं धायो च्वंगु दः ।

जनताया स्वास्थ्य उपचार तस्कं बिचःयायमःगु खाँ खः । अजगु खाँ स्वयो ज्या याडः क्यनय् मःगु विषय खः । अलय सरकारय् वापुं राजनैतिक दलया नेता व मन्त्रीत धःसा बयबय जक याकय्गुलि लीमलाक जुयो च्वना । अःया स्वास्थ्य मन्त्री प्रदिप पौडेलं स्वास्थ्य बिमा सुविधा डागूलाख तका थ्यंकय्गु खाँ ल्हाडः बयबय याक च्वंगु दः । अलय वयकलं अःया स्वास्थ्य बिमाया अवस्था मथूगु खःला वा थुइकं थुइकं हे अथे नुवागु खः दकः जनतां न्यडः च्वंगु दः ।

स्वास्थ्य बिमा सुविधा अःछगूलाख तका दः । अलय अस्पतालतय्ता बिमां बियमःगु धेबा ९ अर्ब तका स्वयो अपःदय धुंकल दक मन्त्रालयया पदाधिकारीपिसं हे खः धायो च्वंगु दः । ख्वप नगरपालिकां चाय्कः तःगु ख्वप अस्पतालं जक नीगू करोड तका स्वयो अपः बिमाया धेबा काय् मालानिं तः क हे स्वास्थ्य मन्त्रालय, बिमा बोर्डया पदाधिकारीपिन्ता वाडः धायानं नपां धेबा मब्गूगु अस्पतालं धायो च्वंगु दः । थजगु इलय् अः याय्म्हा स्वास्थ्य मन्त्रीया डागू लाख तका तकः बिमाया सेवा थेंकय्गु भाषण खाली ब्वसामारी भाषण थें जक जुइगु मखुला धायो जनतां शंकाया मिखालं स्वयो च्वंगु दः ।

नेपःया सरकारं अः न्ह्याकः च्वंगु अस्पतालतय्ता हे बांलाक हज्याकय् फःगु मरु । अस्पतालय् करोडौं मुँ वांगु स्वास्थ्य उपकरणत स्यडः स्वथाडः तै अथेनं ल्हवनय्गु पाख्य् स्व हे मस्व । ल्वगित निजी अस्पतालय् वाडः उपचार मकः सें मगाक बिई । डाक्टरपुं अस्पतालय् हाजिर याडः निजी अस्पतालय् व क्लिनिकय् बिरामी स्वः वानिगु खाँ नं सरकारं छपा न्हयपतं न्यडः मेदख्यं नं पिता छ्वयो च्वन । सरकारं अस्पताल दानय्गु नपां जनशक्ति व मः काथंया स्वास्थ्य उपकरणया ब्यवस्था नपां बिरामीपिनिगु इलय् हे वास याय् फःसा धात्थेंगु जनताया सेवा जुई ।

पिकाक-ख्वप नगरपालिका/सम्पादक-आशाकुमार चिकिबञ्जार, डेस्कटप-धन लक्ष्मी त्यात, आवरण सज्जा-रेणु ध्वजू, थाकू- भक्तपुर अफसेट प्रिन्टर्स फोन ल्याः ०१-६६१३०४३, ई-मेल- khwopapau@gmail.com



का.रोहितया चीन यात्रा शहीद पार्कः

खाँ न्यडः । गुम्हासिं साम्यवादया ध्वार्यँ च्वजायकः ब्वयक तयता थःगु जीवन पाडः छ्वपुं खः । शहीद पार्कया व चाकलीं वाउँसे च्वकः तयो तःगु लु, तस्कं सुनसानगु निस्तब्ध लकस, तस्कं बांलागु सिंहमरमरया ल्वहँ तं सियो तःगु व पवित्र थासं जिता तस्कं हे नुग मछिंक लिचवः लाकल ।

न्ह्यलुवाय् शहीदपिनिगु हिं प्यागु ह्योगु भण्डा ब्वयकः हज्याडः वाना । 'छम्हा ग्वतुली द्दछिम्हा दाड वै' धाय्गु धापुं सत्य यायां दडः वल । वहे थाय् खः शहीद पिनिगु लां पर्व हिं समुद्र जुगु वहेहिं प्यागु थाय् थौं पवित्र थाय् जूगु दः । सायद जिं संसारय् खाडागु फुक्क भिलिमिली लुमांक छ्वय फैं अलय् थ्व शहीद पार्क लुमांक छ्वय फैं मखु । जिगु नुगः मखुथें च्वक दुकुदुकु साडः नुगः पिपि न्हँगु थें जुल । म्हाछिं कार्यं हःगु थें जुल । भिजामिंजा दाड वल । म्हाछिं च्यें च्यें धःगु थें तिमसा छपु छपु दः तलय् फालां च्वडः वल । नुगलय् भ्वखाय ब्वयो च्वंगु थें जूल । समुद्रय लबु वगु इलय् थें हे मनय् लबु दान ।

सुथाय् क्यान्टनया भ्वँ कारखाना स्वय धुकः न्हिनयँ क्यान्टनया शहीद चिहान अथे धाय् शहीद पार्क स्वः वाडा ।

शहीद पार्कया मू लुखाया हःनय् मोटर दिकल । मोटरं क्वहँ वयवं हःनय् पाखय् भब्य शहीद पार्क खानय् दत । तस्कं बांलागु भिंगु ल्वहँतं दयकतःगु च्याताकी-हिताकी थागय् धुकः तः हांगु धवाकां जिपुं द्रहँ वाडा । द्रहँ वानयवं इवः लाक नीगूति चिहानत नेखय् जः खय् खाडा । चिहान अथेहे ६X४ या जुई । चिहानया चाकलीं स्वमापिडः बांलाक तयो तःगु दः । चिहानया च्वय् चिच्या चिच्या ग्वगु ल्वहँया क्वचात मिलय याडः तयो तःगु दः । थ्व शहीद पार्क तस्कं हे शान्तगु थाय खः । सिमा हः सांगु या सः तक नं ताय दः । जिपुं डायो वाडागु पलाया सलं आनाया शान्तगु लकसय् शान्तता चिडकः छ्वगु थें च्वँ ।

द्रहँ वानय् साथं न्हच तिनि मुसुकःगु जिमिगु न्हयसु ख्वः अलय् चञ्चलमन ग्व गनावाडः सुचुक वाना धाय्गु हे मसिल । मनय् खानय् मरुगु दुःख व तच्वगु श्रद्धा जायो वगु थें जुयो वःलव वीर सेनानिपिनिगु

जिं दुःख, ख्वविं जःगु मिखाया भावुकता सुचुकः मेपुं पासापिनिगु मिखालय् स्वया । अमिगु नं अवस्था जिगु थें हे ख्वः चमकां, दुःखं जः । मिखा नेगलं ख्वविं जायक च्वपुं । ख्वालय् गम्भीर्यता व श्रद्धा भावया अपलं फुति व इवः खानय दः । जिं ता-तापाक्क प्वखेरं स्वया । स्वः वपुं यात्रुत छसः हे मतः सिं सुंकः अलय् गम्भीर जुयो श्रद्धां क्वछुडः चिहानत छगू छगू यायां स्वस्वं वाडः च्वना । जिगु मनयँ उब्बेया खाँ जक किपालु थें हनय् वयो च्वन गुगु इलय् वयक शहीद पिसं शत्रुत नपां छतिं हे मग्यासँ वीरतापूर्वक ल्वाडः च्वंगु ई थःगु कर्तव्यया लौपुतिं भ्या भाति हे चिलः मवसिं ल्वाडः च्वपुं वीरपिनिगु ल्वापुया कल्पना याडः च्वडा ।

१९२७, ११ डिसेम्बर खुनुं दकलय न्हपां चिनियाँ जनतां महादेशय् सोभियत निःस्वांगु खः । सोभियत स्वन्हु जक तुता । गद्दार च्याड्गु काई सेक व प्रतिक्रियावादी कोमिड्गताड्गु सरकारं आमहत्या काण्ड याता । उगु हत्याकाण्डय् ५७०० म्हा साम्यवादी वीरगति जुला । अथेनं चिनियाँ कम्युनिष्ट पार्टी व कः माओत्सेतुडगया

जवं खवं नागबेली लौचां हज्यायां चिहानत स्व स्वं ताकी गगं हज्याडः च्वडा । चिनियाँ पासां 'मैत्री मण्डप' क्यडः दिल । मैत्री मण्डप फल्चा थें बांलाकः दयकः तगु खः । थ्वहे थासय् कोमिडताड्गु सरकारं सोभियत कन्सुलेटरता स्यागु खः । उकिं थुगु मैत्री मण्डप चीनसोभियतया मैत्रीया चिं काथं काई । थुगु मण्डप दयकेता क्यान्टनया ल्याम्होपुं व ब्वनामिपिसं ज्याखं ग्वाहाली यागु खः । पार्कया चाकलीं सिमा स्वमात पिडः तःगु शहीद पिनिगु लुमन्ति । थ्व फुक्क स्वमा सिमात क्यान्टनया ल्याम्होपुं ब्वनामिपुं व मचातयसं पिगु खः । दकलय लिपा जिपुं 'शहीद समाधि' थ्यन । शहीद समाधि पार्कया दकलय् च्वय ला । सामाधि ५०/६० फीटया चाकलागु दबु थें दयकः तःगु थ्व थ्यंमथ्यं १५/२० फिटति तःजः । चाकला दबु थजगु समाधि आकासया वाँचुगु

सच्छिखत पीछगुगु स्वप पौ, बःछि पौ(पाक्षिक)

उनखये वाउँगु घायँ दूँ थें च्वं ।

समाधिस्थल चाहिला । सुजद्यो आकासय न्हयलः च्वंगु दः । फय् सिचुक बुलुहुँ बुलुहुँ वयो च्वंगु दः । समाधिमण्डप तस्कं बांला खानय दयो च्वंगु दः । जिपुं पार्कया कुं कुलां डांकः चाहिला । योग पाइनियोरपुं पुखुली नांचा (डुङ्गा) य् च्वडः चाहिल च्वना । तःतः ह्रिपुं हायँ लुँ थें म्ह्वसुपुं डात पुखुली लालाकाकां म्हैतः च्वना ।

थुगु शहीद पार्क

१९५४ य् क्यान्टनया ल्यासे ल्याम्होपुं, व्वनामिपुं व ज्यापु - ज्यामितय्सं दयकगु खः । साम्यवाद ल्ययगु ल्यसुखय् बलिदान ब्युपुं वीर शहीद पिनिगु लुमन्तिसं । थाना न्हिं द्रलंद्र मनुत वयो शहीद पिन्ता श्रद्धा प्वंकः वयक पिनिगु लुमन्तिसं भाव याई ।

शहीद पार्क मोटर ब्वाकः

यंक च्वन । अथेनं जिगु मनय् शहीद पार्कया लुमन्ति किपालुथें ह्दाय वयो च्वना ।

लीऊ सिन गंजी कारखाना

बहनीसिया डाताति इलय मोटर क्यान्टनया गल्ली जुयो यंकः च्वन । अलय मोटर क्यान्टनया पुलांगु लौपु थजथाय् यंकः दिकय् यंकल । मोटरं क्वहँ वयवं जिमिता छगू गंजी कारखानाय् यंकला । कारखानाया नां लिऊ सिन कारखाना खः । जिमिता कारखानाया ल्याम्होम्हा युवा कम्पुनिष्ट लिगया अथेहे हिंच्यादा नीदाया छ्याञ्जे मयजु वाड् छुं लसकुस यात । जिमिसं चीनय् स्वयागु फुक्क कारखाना मध्ये व कारखाना भौतिक रूपं दकलय् कमसलगु खः । गल्लीया चिच्याखागु डाताजःगु छँ हे कारखाना खः । उगु कारखानां ख्वपया तका तपुली दय्किगु

कारखाना थें तायका । थ्व कारखाना पुलांगु हे तिनि । क्रान्तिलिपा पार्टी व सरकारं थुगु कारखानाय् अपलं उत्पादन याय्ता ज्या अःपुकय्ता मथां सामान पिकाय्ता अलय मेसिनं हे पिकाइगु स्वयंचालित याय्ता, ज्यामितय्गु आर्थिक व सांस्कृतिक स्तर च्व जाय्केता कारखानाता

मेसिनं थाइगु यासेलिं न्हिं द्रलंद्र गंजीत पिकाल । कारखानाय् ज्या सानिपुं खुसम्हा स्वयो अपः ज्यामित दः गुकि अपलं मिसात खः । क्रान्ति हाँ फुक्क ज्या लाहा तं हे याइगु अलय क्रान्तिलिपा बच्छी मेसिनं बच्छी मनुखं याइगु जुल । १९५८ या प्राविधिक अनुसन्धान आन्दोलन लिपा अपलं मेसिनत थमनं हे चलय याइगु तल । अलय फुक्क धाय्थें मेसिन सिँ याय्गु हे खः ।

थुगु कारखानाय गंजी सुइगु फुक्क कलत अमेरिकाय् दयकगु खः क्रान्ति लिपा अमेरिकां चीनता कलयां छु मुलु छपुहे छ्वयो महसेलिं कारखाना हे तियमालिथें च्वन । अथेनं उब्ले अजगु कमजोर इलय नं पार्टीया प्राविधिक अनुसन्धानया खाँ न्यडः थुइकः काउ सड्ग धायगु कारखानाया छम्हा ज्यामिं स्वचा स्वन्हुमदेसीं सुइगु मेसिनया कलपुजाता न्हँगु पहलं दयकला । गुकिं अमेरिकी मेसिन व मुलु हे मदय्क मगा दक च्वनय म्वल । काऊ सड्गं उगु मेसिन दयकः च्वंबलय् वयकता द्यँ जक धःबलय वयकलं लिसः बियो दिला - ज्यामित छचा नेचा मदेडां छुं जुई मखु कलपुजात थमनं हे चलय जुइगु याय्ता अजनं तः न्हँ

बांलाकः

गवाहाली नं ब्युगु खः ।

प्राविधिक आविष्कार व प्राविधिक क्रान्तिया आन्दोलन स्वयो हाँतक कारखानां न्हिं सच्छित्तजक गंजी पिकाय फता । अलय (ताः हाक डायो वानय्गु) लामो कुदाइया इलय प्राविधिक क्रान्ति व प्राविधिक आविष्कार आन्दोलन तःलाय् धुंकः कारखानाय् बच्छी मिसिनं व फुक्क (स्वयं)

मदेसिं जूसां ज्या साडः च्वनय् ।' थुकाथं काऊ साड्गं स्वन्हु प्यन्हू चां न्हिँ मधःसें ज्या साडः थः गु ज्या पूवांकः हे त्वः तला ।

गंजी कारखानाया डाताजालय जिमिसं थमनं हे चलय जुइगु गंजी च्याइगु मेसिन छगः खाडा । उकि न्हिं द्रछिपा मयाकं गंजी च्याय् फः । छम्हा तस्कं ज्या सःम्हा कुशल गंजी च्याइम्हा मनु व ज्यामिं न्हिं सच्छित्तित्त जक गंजी च्याय् फँ । अलय व मेसिनं न्हिं द्रछिपा मयाकं गंजी च्याय् फ ।

सच्छिखत पीछगुगु स्वप पौ, बःछि पौ(पाक्षिक)

उगु कल स्वय बलय साधारण जक खानय दः । उकिं स्वपु-प्यपु साइकल याय गुथें दौतदःगु पाडग्रा व सिखः जक दः । उगु मेसिन छम्हा साधारण बुहाम्हा ज्यामिं दयकगु खः । व चीनय न्हापांगु कल धाय फः । व कल दयकम्हा मनु न्हापा छम्हा मामुली कालीगढ जक खः । थःगु प्राविधिक आविष्कारय जुजु वं धायोदी 'पुंजीपति तयगु इलय चिकुलां नं चःति वयकः ज्या सानय मः अः पार्टी व सरकारं ज्यामिपिन्ता उलि बिचः याडः च्वंगु इलय थुलि फुसतया इलय ज्या सानयता छु थाकुला ? वं थमनं धायथें च्वंगु गंजी च्याइगु मेसिन दयकं मफूतलय वं चां निहं मधसें ज्या साना ।

प्राविधिक आविष्कार व प्राविधिक क्रान्तिया आन्दोलनय थुगु कारखानां द्रष्टिगु स्वयो अपः सुभावात ब्यगु खः । गुकिया अपलं सुभावात डाल काला । थमनं हे च्याइगु मेसिनय कापःया थान जक तयो तला । कलं थमनं हे कट कट सः वयकः गंजी च्याडः च्वना । अथे च्याय धुंगु गंजी तः अथेहे सुइगु थासय थ्यनिगु ब्यवस्था याडः तःगु । च्यापुजक खरररर..... मेगु थासय मुं वानिगु ।

गंजी सुइगु कल नं बच्छी थमनं हे न्हाइगु खः । काप हिइगु, सफा याइगु, ज्या नं बच्छी जक मनूनं याय मालिगु यायता मेहनत याडः च्वंगु जुल । अथेनं फुक्क मेसिनत (स्वचालित) थमनं हे चलय जुइगु काथं याय मफः नि ।

कारखानाया कुं कुलामय, फुक्क थासय स्वय धुंक, जिपु पाहाँ लसकुल याइगु सत्कार गृह्य वाडा । आना जिमिसं छुं न्ह्यसः तथा । थमनं हे - न्ह्याकिगु कलं जक गंजी पिमकःसें छाय लाहातं नं थाडः गंजी पिकायो च्वना धायगु जिगु न्ह्यसः या लिसखय का वाडः हूँ धायो दिल । चीन तस्कं तः हांगु देश खः थानाया जनसंख्या ६५ करोड (उब्ले) दः । जिमिगु देश नकतिनि थःगु तृतिखय दानय ताना । जिमिकय माक्वः

कलपुर्जात मरुनि । उलिमछिं जनसंख्याया माग त पुवांकयता न्हूँ न्हूँगु कारखाना व कलपुर्जा जक ज्या याडां पू वांकय फैं मखु । उकिं 'नेपां तृतिं चुयो डायगु' पार्टीया नीति काथं जिपुं न्हूँपुं व पुलांपुं, ल्हातं थाइगु व मेसिनं थाइगुलिं म्हवचाइलय अपलं सामान पिकायो दांक पिकायगु काथं जुयो च्वडा । थव नपां पार्टी व सरकारं ज्यामितयगु स्वास्थ्य खयनं अपलं बिचः याडः च्वंगु दः । पुलांगु कलपुर्जा व कारखानाता बुलुहूँ -बुलुहूँ न्हूँ काथं अलय थमनं हे चलय जुइगु काथं हछ्याडः यंकय । म्हवचा लाय खं मथां अलय भिंगु बांलागु माल पिकायो समाजवाद निःस्वानयगु जिमिगु पार्टीया 'नेपां तृतिं चुयो डायगु नीति' तस्कं पाय्छी जू ।

छगू नेगू न्ह्यसः या लिसः बिय धुंक जिपुं का. वाड नपां बिदा फवडा । वाड छु हिंच्यादा-गुडाया छम्हा मिसा मचा खः । वयकलं च्वाकं च्वाकं खाँ ल्हाडः दिइसा तस्कं सरल स्वभाव यायम्हा मिसा मचा खः । ख्वालय लाली, पाउडर, अत्तर व छुं छुं हे समा याडः तःगु मरु । वयक पार्टीया नीतिता ब्याक्क कानय सःम्हा मनु खः ।

मोटर पुलांगु बजार जुयो न्हायत । जिपुं वाडः च्वडागु लाँपु व बजार नेकगु विश्वयुद्धखय जापानी आक्रमणं धू हे याय धुंकगु खः । क्यान्टनया बजारय मनूत हुल-हुल दः । मोटर हर्नं ब्यू ब्यू हःनय यंकः च्वन । लायँ व बजारय बिजुली मतां भिलिमिली जुयो च्वंगु दः । चान्हयँ फेडेरेशनया पासापुं नपां जा नया । एशियाली एकता व नेपाल चीन मैत्रीया तस्कं क्वातुयो बल्लाड वानय मः दक फवडा । नय धुंकः खँल्हा बल्लहा लिपा बिदा फवडा ।

चीन नपां बिदा

२५ जुलाई न्हिनयसिया जा नय धुंक जिपुं हडकड वानयता बिदा फवडा । चीन व हडकडया सिमाचिं थिइक थ्यन । छपु तां जनवादी गणतन्त्र चीन व बेलायतया उपनिवेशया सिमा चें कियो तःगु जुयो

च्वना । तायँ दथवी जक छु थ्यनय लाता धीरा, कणिका (बंगाली पासापुं) व रत्ना मिखालं खबि हायक हे खवल । स्वास्थ्य निवासया भाय हिलामि नपां पालं पः लाहा मिलय याडागु इलय अथे धाय थःगु छँया जःपुं नपां बिदा जुय ताडागु थें च्वंक खला । अलय जिगु नं धैर्य तज्याडः हे वला, मिखालय खबि ललमल धाल । जि अजु चाया नेला प्यला नपां च्वडा बलय चिनियाँ जनता नपां गुलि मायां क्यंगु । थव जूगु चिनियाँ जनतां जिमिता थःदाजुकिजा, तताकेहँ थें माया नपां भ्या भाति हे कतः भाव मतःगुलिं खः । क्वातुगु पासाया पहलं जुगु खः ।

चिच्याहांगु १५-२० फुटतिया ताँ १५-२० मिनेटं छिडा । अः जिपुं जनवादी गणतन्त्र चीनय मखु बरु बेलायतं क्वत्यल कायो तःगु हङ्गकङ्ग टापुखय च्वड च्वडा । उखय तां पारि मि. लिजुं लाहासांक च्वना, थुखय पुल वारि जिमिसं लाहा सांक च्वडा मिखालय खबि ललमल धायकः । उब्ले जिता थव राष्ट्रतयगु चिच्या मनया चाकः खाडः तस्कं घृणा जुल नपां मनय तहांगु बैराग्य प्याहाँ वल, गुलि खाइसे च्वंगु ।

सिमाचिं थिइकःया वाउँसे च्वंगु तस्कं मन ह्वयकः बिइगु काथं बांला । अथेनं मनय गना गना दिक्कदाक्क जुयो च्वंगु दः । जिमिगु मिखा खाली तां वारिजक स्वयो च्वनय मःसिवल । बरोबर हेक्कु हेक्कु पांकः वयो च्वन । जितायां धिरा, कणिका व रत्नाया ख्यंगु ख्वालं अजुचायक च्वन । पासाया मित्रता च्वाप्वगुंया च्वका स्वयो तः जाइगु खनिं, तरवार व तुबः (बन्दुक) स्वयो बल्ला खनिं लाखौं कोश तापासां सःतिक्क बिइगु खनिं धायगु खाँ थुइका । ई वल । रेलय च्वडा रेल छक छक याडः हःनय यंकल चीन नपां बिदा जुया । मिखालं हायँ मत मनं मनं धाल - बिदा मित्र बिदा ।

नेपाल वायुसेवा निगम व निजीकरणया स्वायं विवेक

थौं कन्हे प्रतिनिधिसभाय अन्तरराष्ट्रिय सम्बन्ध व पर्यटन समितिसं नेपाल वायु सेवा निगमया बारे खाँ जुयो च्वंगु दः । भाद्र १३ गते च्वंगु समितिया बैठकसं वायुसेवा निगमता निजीकरण याकयता सांसदपिसं बःयाडः च्वंगु बुखाँत प्याहाँ वयो च्वंगु दः । मू मू मनूत मध्ये एमालेया देवीप्रसाद भट्टचन, राप्रपाया पशुपति शम्शेरपुं नपांया सांसदपुं निगमता निजीकरण याकयगुलि हृदाय च्वडः हाल, च्वंगु बुखाँत प्याहाँ वयो च्वंगु दः ।

एमालेया भट्टचनं ध-काथं- 'निगम अःयायथें तयो तयगु जूसा ल्हवनय् फैगु खानय् मरु । निजीकरण यायगु स्वयनु ।' अथे हे राणाया तर्कखः निजीकरण याकयगु ज्या लिपा लाक च्वनय मज्यु । निजीकरण याः सा जक समस्या मथां हे ज्यनि । (राजधानी, भाद्र १४)

खः, अःनेपाल वायुसेवा निगमं बांलाक ज्या सानय् फःगु मरु । न्हिया न्हिथं द्याकः द्याकः ज्या साडः च्वंगु दः धायगु न्यनय दः । खुगः फयखः (विमान) मध्ये प्यंगः, दिक्, जक तय मःगु दः । १४ भाद्रया 'नयाँ पत्रिका' धःकाथं २७४ सिट्या नेगः वाइडबडी इटाली दिक् तःगु दः, १५८ सिट्या न्यारोबडी व १८ सिट्या ट्वीनअर्टर नं दिक् तःगु दः । चिच्यागवगु नेगः फयखः ब्वयकः निगम सुंक च्वडः च्वंगु दः ।

कमजोरी सुयायगु ? छुं नं संस्था वयवस्थित काथं न्ह्याकयता व्यवस्थापकपिनिगु तहांगु लाहा दै । शासक दल तयसं बांलापुं स्वयो भागवण्डाखय् थःपुं मनुतयता निगमया प्रमुख नियुक्त यायगु लिच्च खः थौं या अवस्था । धात्थें राज्यता

दय्किपुं व्यवस्थापकपुं जूसा अमिता लिकायो छ्वयो फःपुं व बांलापुं व्यवस्थापक नियुक्ति यायता सरकारता सुनं पाना ?

निजी लागाया कम्पनी तयसं छगः नेगः फयखः (विमान) तयो लबः नैगु । अलय दायँ दायँ पतिकं फयखत ताँ तां यकिगु अलय नेपाल वायुसेवा निगम छाय भन भन कमजोर जुयो वाना ? थुकी लिफः स्वयो विचः याडः हज्यायगु बुद्धिमानि जुई । थथे मयासैं मगा । अः निगम द्यागु क्यडः वा फयखत ग्राउण्डेट जुगु क्यडः वायुसेवा निगमया अरबौ सम्पति क्वाप्लाक्क नयगु मति दः पिसं निजीकरण यायगु सल्लाह बिई अथे धाय निगम निजीकरण यायता गवस, गवयो च्वना ।

निजीकरण समस्या ज्यनिगु लाँपु मखु । वयां भन तःहांगु राज्यया समस्या खः । पशुपति शम्शेरं धः थें निजी करण बांलागु खःसा २०४६ साल लिपा निजीकरण यागु उद्योग धन्दात बांलाक हज्याय मःगु खः अलय भ्याभाति हे मद्याय मःगु खः । सरकारं हेटौडा कपडा उद्योग, हरिसिद्धि ईटा टायल कारखाना, नेपाल चिया निगम नेपाल बैंक लिमिटेड, बाँसबारी छाला जुत्ता कारखाना, भृकुटी कागज कारखाना, बालाजु कपडा उद्योग थजगु अपलं कारखाना व निगम छवाखचा मूलं निजीकरण यात । उकिं देशया अर्थतन्त्र अजनं अपः सड्कटय् लाकल । व्यवहारं निजीकरणं राज्यमा अरबौं तकाया सम्पतिखय् पुँजीपतिवर्ग थःगु लाहातय लाकयगु वा राज्यया सम्पति थःगु लाहातय लाकयगु वैधानिक डकैटी जक खः धायगु सिय दत ।

नेपालं थी थी विदेशी बैंक पाखं

अरबौं तका त्याय कायो (ऋण) त्रिभुवन विमानस्थल नपां देया थाय् थासय् विमानस्थल दयकला, अलय दयकः च्वंगु दः । अजगु विमानस्थलत नेपाली विमान स्वयो अपलं विदेशी विमान तयसं छ्यली । पोखराय् २५ अर्ब व भैरहवाय् ३५ अर्ब स्वयो अपः खर्चयाडः अन्तरराष्ट्रिय विमानस्थल दयकला । व विमानस्थलता अःतकनं छ्यलय् फःगु मखुनी । यें च्वंगु त्रिभुवन अन्तर्राष्ट्रिय विमान स्थलय् नं स्वीगु स्वयो अपः थीथी देशया विमान कम्पनीया फयखः त ब्वयकी अथेनं नेपःया विमानत धःसा न्ह्याब्लें स्यनिगु । थजथु इलय् देशया आर्थिक अवस्था (अर्थतन्त्र) गथे बांलाई ।

नेपःया ल्यासे ल्याम्होपुं न्हिं द्रुलंद्र मयाकं ज्या मालयगु नामय विदेशय् वाडः च्वंगु दः । दाच्छिया लाखौं ल्याखं पर्यटकपुं नेपालय चाह्यु वै । विदेशय सीपुं मनुतयगु सीम्हा लास कुबियमगु निसैं लाहातय ज्या दय्केया नितिं विदेशय वानिपुं ल्यासे ल्याम्होपुं व पर्यटकपुं नपां फुक्क विदेशी फयखतं ल्हयईगु । दाच्छिया हिगुलाख स्वयो अपः पर्यटकपुं हवाइजहाजं नेपालय् वैगु ल्याखं धायो च्वंगु दः । विमानया भाडा पाखं काइगु अरबौतका धेबा नं विदेशी पुँजीपति तयगु लाहातय हे लः वानि । व पर्यटकपुं विदेशीपिनिगु लाय् खय हे राजधानी नपां थी थी थासय् दयकः च्वंगु चैन होटेलय् च्वनि । उकीं पर्यटकपिसं नय, त्वनय् च्वनय्या ला गिं खर्च याइगु नं विदेशीया लाहातय लः वानि । थजगु इलय् पर्यटन उद्योगं नेपालं गथे फइदा काय् फै ?

पर्यटनया विकास मजुला दक खाँ जक लहाडां जिइ मखु । उकिया लागिं

पर्यटकपिन्ता विश्वास बांगु वायुसेवा सुविधां जःगु चवनय्गु थाय्त नपां सुरक्षा बियगु न्हापांगु ज्या जुयमः। नेपालय छुं ई न्हापाजक हिंडान्हुया दुनर्थे नेगः विमान दुर्घटना जुला । उकीं पर्यटकपिनिगु मनय् छु वाना ज्वी ।थजगु खायँ नीति निर्माता पिसं विचःयागु ग्व ?

छुं दाँ हाँ नेपाल वायुसेवा निगमं चीनकय् छगः नेगः फयखः (विमान त) न्याता । वनपां नेग-प्यंगः विमान सितिकं अनुदानं नं बिल । निगमया पदाधिकारीपिसं व विमान ब्वयकेगु मति हे मतः । दां दांतक त्रिभुवन विमानस्थलय् दिक्ः (ग्राउण्डेड) अवस्थाय् तयो तला । म्वः म्वःगु मखुगु खाँत बयबय याडः जनताता मिखालय् धुलं छ्वाकल । अलय् अरबौ तका खर्च याडः हःगु विमान व अनुदानय् वगु विमानता लिलामी खय तला । देशता आर्थिक रूपं धूमधू याय्गु मति दः पिसं श्व फुक्क ज्या यागु खः । नेपः या आकाशय् चीनया फय् खः ब्वयके मबियगु साम्राज्यवादी व विस्तारवादी शक्तिया जालय् लाडः नेपः दे भन भन सोतिड वान । अः नेपः या विमान चलेयाय् हे मफयो वांगु थुजगुलिं याडः जूगु खः ।

वायुसेवा निगम उखयला थुखयला मदयेकेगु जः

आर्थिक उदारीकरणया पालिडः जुइपुं उत्पादनया न्हायागु नं लागाय् राज्यया प्रभाव म्हवँ यायां छम्हा नेम्हा मनूता पोस याकयता ज्या याडः यंकय् मःगु खाँ हव्वयो ज्या न्हायाकी । अमिसं व्यक्तिगत सम्पतिया सुरक्षा व अकिता सुननं थिए मफैगु काथं तयो तय्गु याता हे विकासया नमूना काथं काई ।

पुँजीवादी अर्थशास्त्रीतय्सं राज्यं ब्यापार याय्गु मखु, राज्य छगू छगू विषयलय तटस्थ (सुक) चवनय् मः ।

अर्थतन्त्रया फुक्क लागु निजीतयता जिम्मा ब्यू ब्यू यंकय् मः धाय्गु नीति हछ्याई । उकिता तः लाकयता विश्व बैंक, एशियाली विकास बैंक अन्तर्राष्ट्रिय मुद्राकोष थजगु आर्थिक ज्याभःत दयकला । अलय उकिया लिधंसाय् अमिसं गरिब व विकासोन्मुख देशयागु अर्थतन्त्र थःगु ल हातय लाकय्गु कुतः याता । गरिब अलय विकासोन्मुख देशता अनुदान बिय हाँ थीथी खाँया बाचा (सर्त) तयो लाहाचिं तय्की । उकिमध्येया मूखाँ राज्यया स्वामित्वखय् न्हायाकः तःगु कल कारखानात निजीकरण याय् मःगु नं छगू खः । नेपालं अजगु बैंक ऋण कायता कारखानात निजीकरण याय्गु बाचा यागुलिया लिचवः राज्यया स्वामित्वखय् दःगु कलकारखानात छसिकाथं निजीकरण याता । अः राज्यकय् छुं हे कारखाना मदैगु स्थिति वल ।

निजीता जिम्मा बियवं हे साम्राज्यवादी देत बमलागु देशय् दोहँसा थें यत्थें द्रहँ वै अलय अर्थतन्त्र थःगु लाहातय लाकी । आर्थिक उदारीकरण या नीतिं नेपाल थजगु विकासोन्मुख देशय ज्या मरूपं भन भन यक्व दयोवल । गरिब देशत आर्थिक रूपं भन भन कमजोर जु जुं वाना, साम्राज्यवादी देशतय्सं गरिबअलय् अल्पविकसित देशत चवजाय्केता उदारीकरण तस्कं बांलागु लाँपु दक बय बय यागु फुक्क मगु खाँ धाय्गु सिय दत ।

सार्वजनिक संस्थानत द्या त्या नपां अमिगु मतलब दैमखु । न्हाथेयाडः जुसां अमिसं निजीता हे लः ल्हाय्गु ज्या याई । अमिसं राज्यया आमदानी अपः दय्केगु व पुँजीबजारता थः यत्थें हज्याकय्गु मौका बियमः दक हः जुई । नेपालय् आर्थिक उदारीकरणया नीतिः छ्यः गु हिंदा नीदाखय् हे उकिया बाँमलागु लिचवः अर्थतन्त्रय् खानय

दय धुंकल ।

राज्यं औद्योगिक विकास याय मफूसेलिं दायँ च्यागु गूगु लाख ल्यासे ल्याम्होपुं विदेशय् ज्या मः मवासँ मगाता । चवजाय्कः ब्वनयता दायँ लाखौ ब्वनामिपुं विदेशय् वानय् मःगु ई वल अः नेपः दे हलिमय दकलय् कमजोर अर्थतन्त्र दःगु देश मध्ये जुल ।

विश्व बैंक, एशियाली बैंक थजगु साम्राज्यवादी तय्गु आर्थिक हतियार या तातुना काथं हे नेपाल अः विदेशी ऋण पुलय् मफैगु अवस्थाय् थ्यनिन । बुयवं हे छम्हा नेपः मि या कपालय् चयद्व स्वयो अपः ऋण लाय धुंकल ।

देशय छुं काथंया निर्यात याय् लाइकगु उत्पादन मरु । फुक्क धाय्थें सामान विदेशं न्याडः ह्यमःगु अवस्था वल । धात्थें धाय्गु खःसा नेपाल आर्थिक रूपं टाट पल्टय जुय धुंकल धःसां मपात ।

अःवायुसेवा निगमता द्याता धायो निजीकरण याय्गु खाँ ज्या जुयो चवंगु दः । साम्राज्यवादीया दलालतय्सं वायुसेवा निगम द्याता धायो निजीकरण यायताथे कन्हयँ नेपाल आर्थिक रूपं पवंगी जुल दक सरकार चलय् यायता नं विदेशीत सःतयता प्रस्ताव तयता लिपा लाइ मखुनि ।

राज्यया लबःया लागिं मखु सेवाया नितीं शिक्षा, स्वास्थ्य, लाहातय ज्या दय्कः बियगु थजगु ज्या याय्गु खः । राज्यं यागु ज्याखय् मचः मगा दत धःसा ल्हवनय्गु तःपु लाँपुत दै । उखय् पाखय् मस्वसँ वायु सेवा निगम हे निजीकरण याय्गु देशधाती बिचः खः न्हापा न्हापा निजीकरण याय् धुंकगु कलाकारखाना पाखं सय्कः निगमता मः काथं ल्हवनय्गु स्वकयता सांसदपिसं बिचः याई धाय्गु नेपः मि पिनिगु आशा खः ।

थीथी वसतं पुने भवल्य

म्ह्य थीथी वसतं पुनेइवल्य छगः जक क्रिया वइ मखु, थीथी समूहकथं बिस्कं बिस्कं वइ । गथे - तपुलिं पुये, लं फिये, सुर्वाः न्ह्यायेगु व मेमेगु । थन पुये, फिये व न्ह्याये तःगः मच्छि क्रियाया खय्भासय् धाःसा फुक्कय्सं लाउनु छगः क्रिया वयैवं गाः गथे - टोपी लाउनु, लुगा लाउनु, सुरुवाल लाउनु व मेमेगु ।

श्व खँ नेवाःतय् छ्यँय् छ्यँखाय् चर्चा जुइधुंकूगु खँ खः । आः श्व हे खँ विस्तारं सभासम्मेलनय् व थीथी च्वसुइ नापं वयेधुंकल । श्व च्वसुइ थुलि जक मधासँ थुकियागु म्येगु विशेष ब्वनेमाःगु खँ यक्वं दःनि धयागु क्यनेत्यना ।

१. थुकिइ वइगु क्रिया ग्वःगः दु ?

२. तपुलि पुयेयात तपुलिं पुये नं धाः । थथे कर्म हे करणं जुयाः पिदनिगु म्येथाय् नं दु । गथे - गा न्ययेया गां न्यये ।

३. थथे वइगु क्रिया आपाः दुसां उकिया अःखः क्रियाया अर्थय् छगः जक दु ।

थुकियात कथं ब्वने

१क. छ्यनय् तपुलि, माकःतपुलि, तक्का (खवप) तपुलि, ग्वःजा तपुलि, तोप, क्याय्प, हाय्त आदि फुक्कंस पुये क्रिया वइ ।

१ख. म्येगु मत्तू पुये । पगरिं पुये नं थथे हे ब्वने ।

१ग. ख्वाल्य नं पुये वइ । गथे - नवदुर्गा प्याखनय् गणोद्यः, भैरःद्यः, महाकाली, बाराही, सुतिभैलःद्यः (श्वेत भैरव) आदि

ख्वाःपाः पुये हे खः । अथे हे देवीप्याखनय् देवीपिं अले वया गछि द्यः पिनि थीथी ख्वाःपाः दु । थन नं ख्वाःपाः पुये हे जुइ । १घ. ख्वाःपाः पुयेगु म्येगु नं यक्व दःनि । थुकिइ छताः ख्वाःयात सिं न्हाय् छुनातःगु

ब्वने । लं फिये, कोट, इस्तकोट, स्विटर, कमिज फिये धाइ । फिये क्रियाया म्येगु भेद पुने, तिये नं दःनि । थुकियात छ्यलाय् थथे खंके - वसतं पुने, पोसाक तिये, (नवदुर्गा प्याखंया) वसः छाये ।

३. न्ह्याये क्रियायात ब्वने । थन तुति दुछ्वयाः म्ह्य तयेमाःगु वसःज्वलं न्ह्यायेकथं वइ । गथे - सुर्वाः न्ह्याये । श्वकथं पाय्त, कट्टु नं न्ह्याये हे जूगु दु । मुजा न्ह्याये, लाकां न्ह्याये नं ब्वने । म्येगु तिसा इवल्य कलिं न्ह्याये दु । अथे हे पाउजु, छुस्या, घंगला, तुतिबगिगि नं न्ह्याये हे जुइ । न्यवः नं न्ह्याये जुइ ।


३क. सुर्वाः न्ह्याये खयाः नं ललिसे घानाः वइबेल्य लं अनुसारं फिये जुइ । गथे लंसुर्वाः फिये ।

३ख. लं, कमिज त्वःताः म्येगुगु ल्हाः दुछ्वयाः पुनेथाय् नं न्ह्याये वइ । गथे पंजा न्ह्याये । थुकथं हे चुरि न्ह्याये, लुँचुरि न्ह्याये, कल्या न्ह्याये ।

३ग. ल्हाःपतिं जक दुछ्वयाः छ्यलेथाय् नं थुकथं न्ह्याये वइ ।

गथे - अंगू न्ह्याये । लुँ व थीथी धातुं पिदनाया अंगू, थिइ थुनाया अंगू श्व फुक्क नं न्ह्याये जुइ । थुकथं हे कुशअंगू नं न्ह्याये जुल ।

४. सिने - सिने धकाः त्यपुं, त्यपुचां क्वय् तुतिथयंक, तुतिपवः खनेदय्क बाहेक पुनेइवल्य वइबेल्य श्व सिने क्रिया पिदनिइ । थुकिइ वइगु वसः, पर्सिं बाय्



कापःया ख्वाःपाः पूये नं थथे हे ब्वने । ख्वाःपालं पुये छायाःसा ख्वाः हे ख्वाःपाः थें च्वंक ब्वनेथाय् दु । गथे - तःपाः ख्वालं पुये ।-

श्वया छ्यला थथे दु - धनीखलःतय्सं गरिबतय्त तःपाः ख्वालं पुयाः यक्व थें क्वथेथुनाः खँ ल्हाइ ।

२. फिये, पुने - फिये पुने इवल्य लंअनुसार

परिसकोटिया वसः जुड । गथे परिस सिने, सारि सिने, पेटिकोट सिने । हाकुपरिस, इहिपरिस, म्हासुपरिस नं सिने धाइ । राजोपाध्यायपिनि म्हायाम्चा कन्यादान याइबेलय् सिनिगु परिस म्हासुपरिस (लुँपरिस) खः । लुँपरिस नं सिने धाइ । छगू छ्यला थथे दु -

भान्तां लँ नं चिपाः जुल

थाना परिस सिने यःमां, धिच्छ धेबा ति । (दुर्गालाल श्रेष्ठ) लुङ्गियात नं सिने धाः । तर धुति धाःसा चिये धाः ।

५. चिये - श्व गथि चियेया चिये खः । गथे - खिपः गथि चिये, का गथि चिये । दुगु, च्वलय्, फँ लहिनातःथाय् उमित बाय् खिचायात सिखलं चिये । श्व हे चिये, फिये, पुनेइवल्य् - जनी चिये, धुति चिये, काँस्चा चिये व म्येम्येगु ।

६. न्यये - गां न्यये । गाया यक्व भेद दु । गथे - गा, सांगा, दोलाई, दुर्गा (दूंगा) । श्व फुक्क न्ययेगु जुड । फांगा अर्थात् फायेगु गा । उकिं फांगा नं गा हे खः । फांगां फाये व फांगा न्यये श्व निगुलिं ज्यलाच्वंगु दु । थन सुनां फांगा छ्यलिङ्गु खः, व ग्वःतुलाच्वंम्ह जूसा फांगां फाये धाइ । ग्वःतुला मच्वंम्ह जूसा फांगां न्यये धाइ । ज्याः जंक्व याः म्हासित पौगां न्यय्के । सीम्हासित पौगां फाये, फाय्के धयागु सीम्हासित तुयुकापतं म्हाछिं त्वःपुयेगु खः ।

७. तिये - तियेयात हाकनं छकः ब्वने । ७क. वसतं तिये, पोसाकं तिये । श्व च्वय् ब्वनेधुन ।

७ख. वसः फिये जूसा तिसा नं श्व हे तियेकथं ब्वने । गथे - तिसां तिये । अथे हे सिन्हः तिये, सगं तिये नं थुकथं वड । सिन्हःया भेद दु । गथे हिकुसिन्हः, भुइसिन्हः, म्हासुसिन्हः, श्रीखण्डसिन्हः, रक्तचन्दन चुलाया सिन्हः थथे तिये जुड । अथे हे लुँसिन्हः, लुँची (सिन्हः), सिन्हःकथं हे कयातःगु दु ।

८. क्वखाये क्वखाये धायेवं माला क्वखाये आपाः वड । अले का क्वखाये, छं कापः बाला क्वखायेगु वड । थुकियात ब्वने । ८क. का क्वखाये इवल्य् - संस्कार संस्कृतिकथं पसुका क्वखाये, ग्वःका क्वखाये दु । ज्वना, जजंका क्वखाये वड । जजंकाया यक्व भेद दु । जजंकाया तुकथं स्वतु, न्यातु, खुतु, भिनितु, सच्छि व च्यातु आदि । श्वया भेद पुका नं खः । छुं तःधं पुजाय् श्व पुका वड । पुच्छायात संस्कृत भासं पवित्रारोहण धाइ । श्व हे पुजाय् ग्वःका छाइगु खः ।

८ख. जजंका छःयात छायेथाय् वड । म्हापुजा, किजापुजाबेलय् थःत क्वखायेगु नं याः । उकिं श्व जजंका स्वभावं हे ताहाःगु जुयेमाःगु दु । भाषिकाकथं श्वयात जजमका, जजंक्वखा, क्वखा जक नं धाःगु

तायेदइ ।

८ग. म्येगु ह्याउँबाला नं क्वखायेगु दु । गुम्हेसिया थुकिइ तुयुबाला नं क्वखायेगु याः । नेपालभाषाकथं आः माला पाखे वने । श्व माला तद्भव जुयाः माला > माल > माः थथे जूगु दु । तिसा इवल्य् तायः व मुण्डमाला दः नि ।

८घ. क्वखायेगु इवल्य् स्वांमाः, प्वत्याःमाः, तिलरिमाः, तीखमाः आदि थथे ब्वने ।

८ङ नारांघःया क्वखाइगु मालायात वनमाला धयातःगु दु । छिपय् जूगु तुलसिया सिं दथुइ प्वाः खनाः थुकिया माला क्वखाइपिं दु । श्व आपाः यानाः फकिरजनतय्सं क्वखाइ । माःया इवल्य् ताय्माः नं वड । अले, लामाः, वःमाः हनाः नं छःयात क्वखाय्कइ । भिंपौमाः नं क्वखाय्कइ । क्वखाय्केया इवल्य् वःया तुलसि पत्रमाला नं दः नि । श्व फुक्क बांलाःगु अर्थ खः । बांमलाःगु अर्थय् सुं नं देशद्रोहीयात लकांमाः क्वखाय्का देय् चाहुइके धयागु दु ।

९. श्व फुक्क क्रियाया नकारात्मक क्रिया अपवाद त्वःताः त्वये छताः जक दु । गथे - लं फियेया लं त्वये । सुर्वाः न्ह्यायेया सुर्वाः त्वये । तपुलिं पुयेया तपुलि त्वये । अपवाद लुची तियेया लुची प्वले । सिन्हः तियेया सिन्हः हुये जुड । फांगां फायेया फांगा उले । थथे प्वले, हुये, उले सीमित रूप जक दु ।

इगाप

खवप नगरपालिका पाखं पिथाडः च्वंगु खवप पौ बः छि पौ खय् बांलागु च्वसु त बियो ग्वाहाली याडः दिसँ । उगु रचनाया ल्य ज्या याडः पारिश्रमिक बियगु खाँ खवप नगरपालिकाया २०७७ श्रावण २६ गते च्वंगु बैठकं क्वः छ्यगु खाँ ब्याक च्वडा ।

सम्पादक
खवप पौ



विभाजित फय् गबले धाकु जुइफइ मखु

पूर्ण वैद्य

फय् वयेत ला वा
तर शक्तिशाली धाकु जुया: हे वा
गुकियात जिं हानं
पंखा गाया संके थम्वाले मा:
फय् अजा:गु थवा थन
गन जिं हानं
तुफि ज्वना: बँ पूजुइ थम्वालेमा:
गुकियात जिं हानं सास: चबुक हाहा याना:
ल: थना बिये थम्वालेमा:
प्लेकार्डया दुधंगु कथि थें
थ:गु निपातं ल्हा: ल्हवना: लसकुस याये जिं
उर्दिया वस: झ्यार् खुना: ध्वाँय् ब्वयेके जिं
थ:गु नुग:पा जायेक वयात तयेफु जिं
सास: पतिं वयात ज्वना: जुइफु जिं
वयात थ: हे स: जुया: थ्वयेफु जिं
व हे जक छगू जिगु स:या अभिव्यक्ति माध्यम ख
व हे जक छगू श्व गंगु धरतीइ वर्षाया आधार ख
तर फय् गुगु वइ
व विभाजित जुया: मखु
विभाजित फय् ला गबले धाकु जुइफइ मखु
व ला छगू भाँका, छगू वेग जुया: जक फुइ
ह. हे ह:सां, वं ला खण्डित सुपाँय् जक हइ
तर कुचा कुचा सुपाचं थन वर्षा बिइफइ मखु
फय् गुगु वइ
तर व वेग जक मखु
नन्या:गु स: जक मखु
वस्तुत: उकी वेगया मिथें
सृजनाया ल: नं दयेमा:
नत्र सा फय्या अर्थ व्याख्या यायेगु जित: खँ हे छु दु ?
यथार्थ्य ला
जिगु बँ वांवां खाखां

बना वनाच्वंगु दु
सिमा, स्वांमा दक्व वस: त्वका: कायेका नं
अथें पचिनांगां दनाच्वंगु दु
सान्त्वनां जक प्याये मफुपिं स्वांमात
वा फय्या स्पर्शया निराशं -
न्हिथं, गना गना वनाच्वंगु दु
जग प्याकेत ब्वाँय्व:म्ह खुसि -
थ: हे किमिसुखूयें प्यासं चत्तावाना: सिनाच्वंगु दु
फय् वयेत ला वा
तर शक्तिशाली धाकु जुया हे वा
अभ्र ला,
कुह: पुनायंका जक मगा: जित: थौं
वं प:खा: थुना
पहाडया छ्यं चुला वना: जक नं मगा: जित: थौं
व तत: सलं नँन्याना: थ्वयां जक नं मगा:
मगा: ! मगा: ! !
जिगु लसकुसया हाक:- ब्या: थुलिइ हे जक सीमित मखु ।
जित: ला जिगु बँया वांवांखायाच्वंगु दक्व म्हुतु हे जायेमा
गंगु सिमा-स्वांमाय् न्हूगु वस: दयेमा:
खुसिं-खुशी जुया: न्ह्याये दयेमा:
घाँय् छपु छपु पतिकं वसन्त थ्यायेमा:
जि थ: हे इतिइति दंक, भूचायेक प्यायेमा:
गुबले निसें जिगु म्हुय् प्यपुनाच्वंगु धू-खिति
तुइका छ्वयेमा: जित: ल्वचं नुने न्हय:
वया हाकुगु उन व नँ नाप स्वब्याक्क वनेमा:
जिके जिगु उन त्वपुइ न्हय:
जिके जिगु नँ नुने न्हय:
जिके थ:गु हे थौंया उन खने दयेमा:
जिके थ:गु हे थौंया नँ नस्वायेमा:
म्हिग:या हाकुगु धू-खितिया मखु !
(मित्या: द:११०३)

हिलःवगु सापारु

आशकुमार चिकंबञ्जार

‘पुर्खा दयक तकगु सम्पति भीगु कला व संस्कृति’ नारा भन ज्वाला ज्वाला थिडः वगु खवप दे दुनय संस्कृतिया खवःपा पुयो प्याखं खवार्यँ कायो चवंगु थौया इलय नं ‘नाचगानया राजधानी मखु धाय मफयूकः सापारु धिसिलाक्क भीगु हःनय दाँ वई । लिच्छवी कालयनिसँ भसु मलांकसे धिंतागिसीया पलाखवार्यँ काकां कछिल्वाकः वयो चवन-‘धिंतागिसी त्वां गिनिसिमिसीं त्वां’ । अलय हकनं लयतातां हाली ‘ताता खतिनाकधिं धिंतागिसि त्वां’ म्हतुया बोल खिंखय अलय खिंया बोल म्हतुइ सुनं सुयातां स्यनय म्वः फुक्कसिया मन्त्र थें हे कथ अलय वहे बोल नपां तुति पलां खवार्यँ काई, कथि त्वाकी मन लयतायूकी ।

संस्कृतिया पलं दुनयं दुवालः स्वयगु खःसा मनूया जन्म-मरण, (सीइ बुइगु) या संस्कार फुक्क जातिया थः थः गु म्हासिइका पिबइगु छगू माध्यम खः । थाना छगू सीइबलयया संस्कारया छगू ग्यसुलागू हानयज्याया दसु, धिसिलागु पलाया ब्वज्या सापारुया खाँ उले ताडा । सापारु छगू बिस्कं पहः या नखा, गनां

दाच्छिया दुनयं थः छँ या जहानपुं (मां, ब्वा,) सीगुया लुमन्ति अमिता बैतरणी तरय याकय म : धायगु पुलाँ खाँ जूसां उगु खाँ दुनयया बस्पति दुनयया पूथें धात्थेंगु खाँ धःसा लुकुबिडः चवंगु मदै हे मखु । मनूया जीवनय दुःखया लुमन्तिया किपालुं गुलि दुःख बिययो अलय सुखया लुमन्ति गुलि लयतायूक बिययो धायगु खाँ थाना भीसं धायो चवनय मालिथें मचवं । थः मां ब्वा मदयक वा थः जहान मदयक चवनय बलय वैगु दुःखया फलः गुलि इयातु धायगु खाँ फय मन्यापुं म्हवँ हे जक ज्वी । उकीं वहे दुःख या प्वः इयातुयो वैगु इलय गनां छकः दिकय बिय दःसा पलख जूसां भ्वासु लांकय फँगु मानवीय स्वभाव खः । अलय वहे खाँ याता बिचः याड पुर्खा छगू संस्कार न्ह्याकः तकल, गुन्हिपुन्हिया क्वाति, गुपुपूर्व स्वयो चवंगु ल्वहँहिति चाहिलयगु नपां साँचा चाहिइकेगु चलन गुगु थौं छगू संस्कृति हे जुय धुंकल ।

स्वनिगः व स्वनिगः पिनय नं सापारुया थः थः हे पह दः । गुकी छगू काथंया मदयो वांम्हा मनूता थमनं फयाकाथं श्रद्धा यायगु चलन खानय दः । न्ह्याळ्ने

अपमानया सिखलं चिकः वपुं मनूता राज्य हानिगुयां खःहे मखुत अलय वहे मनून थःगु जिवं कःछि सियो वांगु दुःख याडः वांगु योगदान अलय सन्तानप्रति याडः वांगु दायित्वया छगू सम्मान धाय मःसिव ताहामचा चाहिइकेगु चलन । सञ्चारया विकास मजगु इलय थुम्हा नं मनु मत खःनि धायगु छगू काथंया मृत्युदता अलय थः काय म्हायया श्रद्धा नं मखुधायमछिं । म्हायय नं स्वगं बियो धौबजी दान याडः साँचा चाहिइके छवै । ऋणापुलय मफूपिन्ता धौबजी नकः मुंतुइकः माफी बिइगु उब्लेया चलन दयहाँ व धौबजी छगू काथंया पुलागुया चिं खःला ? मखुसा तःतः हांगु भवय खय नं धौबजी नकः भवँ सिधयूकिगु चलन छाय तला ज्वी । अलय भिं ज्याखय धौ स्वगं तिकः फुक्कसिनं सुवः बिइगु छाय याडः तला ज्वी अलय बुदिबलय धौबजी छाय दान याता ज्वी ? थव फुक्क छगू काथंया हना बना हे मखु ला ज्वी । अलय तुसि, कयगु फवया (चिच्छया ग्वगु कयगु जक) पासी नं दान याई ।



ताहामचा (ताहाम्हा साँ) चाहिइकिवलय न्हपा महालीं पुयो 'ताहामचा गनातय ग्वाखं प्वाल्य तय, ग्वाखं प्वाल्य मन्ह्यंसा खुसीं चुइकः छ्वय' या धुन नपां म्हुतं नं हाली । थाना ग्वाखं प्वः चाय्गु खॉ हकनं स्वयमाली । सीय धुम्हा मनूया आत्माजक अथे धाय् ग्वाखं प्वःचाय् जकति न्ह्यंकः या लुमन्ति जक जुयमः । अलय् अः म्वलः लुमांक छ्व धाय्गु या टुक्का नं खुसीं चुइकः छ्वः धाय्गु चलनं अः लुमन्ति सालुक्क छ्वः धःगु जुयमः । ताहासाँख्य साँपाख्वः (साँया आकृति) नपां पलेस्वं सुयाय्गु डःखः छत्र (कुसा) नपांया वनावटीं साँदान याय् मखांपुं दुनियाँया बैतरणी छियगुया लागिं ताहा साँ दय्क दे चाहिइकगु मखु धाय् मछिं । अलय् इवःपः छ्याय्ता कछि लुसी ल्वाकः घिंतांगिसी ल्हूइकगु धःसां उब्लेया हिसी ख्यालीं दुःख तांकय्गु काथंया ज्या नपां मां ब्वाता थमनं सीय धुडानं श्रद्धा याडागु मतिं मन लुदांकय्गु यागु जुयमः । उब्ले मिजंत जक घिंतांगिसी ल्हूइगु, अलय् मिजं पुं, हे मिसात जुयो प्याखं ल्हूयो वैगुलि अः बच्छी मयाकं हे मिसामस्त प्याखं ल्हूयो वगु अलय् नेवः मिसात जक मखु मेगु जातीया मिजं मिसातनं प्याखं ल्हूयो वगु छताकी सभ्यताया ताकी थागःगु धाय् छिं । अलय् न्ह्याथय् याडः जूसां ल्हूसां ज्यु धाय्गु मतिं पलाछिडः वगु धःसा गनां कन्हयँ समस्याचुली जायो मवै दक धाय् थाकु । अलय् प्याखं ल्हूयता भाति भाति त्वनय् हे मालः धाय्गु नामयँ थामय् याय् मफय्कः त्वनिगु ल्वापु थैगुलि धःसा संस्कृतिया ख्वःपा पुयो प्याहाँ वगु विकृति धाय् ल्व । थुकी संस्कृतिता माया याडः घयपुडः तःपुं अलय् संस्कृति भ्नीगु म्हासिइका धाइपिसं इलय् हे घायँ पुय मफूसा डातापोल्लहँय

बुयो वगु घायँ थें मजुइ धाय् फै मखु । म्हेगः या मुहालीं हे जक तयमः धाय्गु मखुसँ तांकय् मज्यु ल्यंकः तयमः धाय्गु खॉखः । अः लालाखिँ नपां धिमे, धाँखं थाय् कायो हल । अलय् तँ व भूस्या गनां जुम्ला पाखय् डम थाइगु धःगु न्यडा । कन्हे थानानं पश्चिमेली बाजा तयो पप व न्यापया काथं घिंतांगिसी मवै मखु धाय्गु मतिंतयो अः हे थुकिता कंकुं क्यंकय् मः । संस्कृति परिमार्जनया नामय् संस्कृतिया पुसा हे मदय्कः न्हूंगुलि तपुयगु विकृति मखुजक धाय् मछिं । उकिं थुखय् पाखय् नं बिचः याडः घिंतांगिसीया पला ख्वार्यँ निसँ हालिगु पहः नं न्हूगु पुस्ताता क्यनय् स्यनय् मफूत धःसा संस्कृतिया माखां विकृतिया हायँचा श्वकानिं हाल चवडां लाइ मखु ।

ताहासाँया पलिसा धात्थेम्हा साँ चायाय्म्हा साँ, स्वाली अलय् बासा लुइकः हैगु, महाद्यो पार्वती (अः राधाकृष्ण नं) दय्क हैगु नं छगू ब्वसामारी जुय धुंकल । थिमी थः भिन्चाता साँचा दय्कः यंकिगु अथेहे येँ नं मचातयता साँचा दय्क यंकिगु चलनय् न्हूंगु पहः वल । तस्कं चिच्याहिपुं मचातयता नं साँचा दय्कः हःसेलिं थाकु चायो बुयो है बलय् न्हयलं ब्वाडः वगु नं खानय् दत । व छगू काथं मचातयता कष्ट ब्यूगु थें जुल । थजगु खायँ नं बिचः याय् मफूसा कन्हे कतं भ्नीता छु छु जक धाइगु ज्वी ? अः हे बिचः याय् मः ।


लालाखिं बाहेकं धिमे धाँ भूस्या थाइपुं यक्व हे न्हूंगु पुस्तायायपुं जुय धुंकल । श्व छगू बांलागु पक्ष मधसँ मगा । थयं मथयं ताडः हे वानय् धुंकगु थजगु बाजा-गाजा ख्वप नगरपालिकां याडः वगु कुतः व जनताया थःगु धाय्गु भावना ब्वलाकसेलिं थजगु लू (दृश्य) स्वय दःगु खः । थुकिं नं मिसामस्त हे हज्यागु

खानय् दः । श्वनं छगू काथं युग नपां या पला धाय्मः । म्हेगः इयालय् व फलय् जक चवडः स्वकुमि जुयो च्वनिपुं म्हायाय मस्त जक मखु अः भौमचा व मचाया मांपुं थुगु संस्कृतिसं पला छिडः वगु नं मिसामस्त नं सक्षम खः धाय्गु क्यं । अलय् पुरुष प्रधान समाजता छगू काथंया लिसः नं खः । अलय् न्यासी भ्वासी उच्चूडखल धःसा जनिं चिडः तय माली । मखुसा अजि बाज्यां खला जक धायो कपः तिई ।

ख्वपया सापारु स्वनिगः या छगू बिस्कं पहः या नखाजक धायो च्वंगु दः । उकिं हे ख्वप नगरपालिकां थुकि नं ल्यज्या याडः सिरपा नं बियगु यासेलिं स्वइपुं लज्या चाय् म्वःल । थुगु इलय् माक प्याखं, देवी, भैल नपां पिथाडः लाँ प्याखं ल्हूइकः यंकी । अलय् थुब्ले दाच्छितकया राजनैतिक, सामाजिक विकृतिया ध्याचु व धवँ नकः ब्यङ्ग्यात्मक घिंतांगिसी नं है । गुकिया सबः भ्वय नय धुंकः या सिसाबुसा थें हे सा : । अः कृष्णाष्टमी तक हे घिंतांगिसी ल्हूयगु याडः हल । गुगु स्वन्ति धुंकः हे म्हापुजा याय्गु थें जुलाला धाय्गु याडः हल । उगु इलय् ख्याल, छधा प्याखं, परम्परागत प्याखंतः क्यडः जनता ग्वाकय् दःसा अजनं बांलाइगु व सापारुया मू व मर्म थुइगु जुई । भ्नीगु संस्कार व संस्कृति सञ्चारया युगय् थी थी सञ्चारं पिता यंकिगुलिं भ्नीसं सभ्य भब्य व सुसंस्कृत काथं भ्नीगु म्हासिइका, संस्कृति पिब्वय मः । श्व हे सकल संस्कृति प्रेमी पिनिगु कर्तव्य खः धाय्गु मति तैगु विश्वास काय् । संस्कृति छ्यल जनताया नुगः क्वाकः चेतनाया मता च्याकय् मः श्वहे थौं या कर्तव्य खः धाय्गु भावना ब्वलांकय्गु युगं खापा चाय्कः च्वंगु दः ।

शिक्षाया छगु न्हूगु पला, खवप विश्व विद्यालय

रबीन्द्र कसजु



कानय फैसा गुलिसिनं व्यवहारिककाथं हिल, छ्यलय है। अलय ज्या खय् लाहाजुक, स्यल्लाक जुई। गुलिसिनं सीप नपां कला ल्वाकछ्याडः ज्वः मरुगु बवज्या याय्फै। उकीं भ्नीगु समाज ज्ञानया दुकुटी है खः।

अभक्त थुकी विज्ञान स्वायफःसा देगलय द्यो तय्गु

थें जुई। थजगु इलय जुइगु द्रंगु पला म्हुवें याय्ता, सयकागु सीप व ज्ञान ल्यंकःतयता अलय माली बलय् छ्यलयगु ज्या इवः त न्ह्याडः वयो च्वंगु दः। थुकि प्रविधिं छायपियो न्हूगु चिजत दय्केगु ज्या नं जुई।

थव फुकक ज्याया मू थाय् विश्व विद्यालय जुई। विश्वविद्यालय शिक्षाया ग्वाहालीं भ्नीकय् लुकुं बिडः च्वंगु ज्ञान, विज्ञान, गणित सीप व कला पिबवयता ग्वाहाली जुई।

भ्नीकय् दुनय् दःगु ज्ञान, सीप व कलाता थमनं कतं ब्वंकः, ब्वंकय्बियमः। थुकीं परम्परागत शैलीं भ्नीसं कायागु ज्ञान, सीप व कला अजः छायपिय थें जुई। थजगु शिक्षा नीतित सयक ब्वंकयगुलि अः नेपालय् चायक, तःगु छुं नं विश्व विद्यालयत मरुगु निपं ज्वडः खवप विश्व विद्यालयया बिचः हज्यागु खः।

खवप नगरपालिकां ब्वनय्कुथि, महाविद्यालय व कलेजत तः लाक न्ह्याकःताइलय निसें खवप जिल्लाय् बांलागु शैक्षिक लिचव ब्यु ब्युं वगु दः। थानाया शैक्षिक अभ्यासता जलाखालानपांया मेमेगु जिल्लां नं ब्वस्यलागु च्वछाय् बहगु काथं

बय बय याडः वयो च्वंगु दः।

थाना नेपः देया ७७ गू जिल्लायायुपुं ब्वनामि, कर्मचारी, शिक्षकपुं ब्वडः ब्वंकः वयो च्वंगु दः। थी थी सड्कायया स्नातक, स्नातकोतर तगिलय ब्वंक वयो च्वंगु दः।

चवमि थः खवपया स्थानीय बासिन्दा खः। काठमाडौं विश्वविद्यालय ब्वंकः च्वडागु दः। प्राज्ञिक लागाय् ज्या साडः वयागुलिं जिता थानाया शैक्षिक क्षेत्रय् दुगयंक स्वयगु इच्छा द। हिदा हिन्यदा हाँ निसें परिकल्पना याडः च्वंगु बहस याडः खवप विश्वविद्यालय अजनं हे सालां चमबु पालां प्यमज्यागु थें पिडः च्वनय् मालः च्वंगु दः। भ्नी अजनं गुलि पिय मालितिनी थें ? थुकिया लिसः मालय्गु इवलय् मुडागु मनया खाँत थाना पिबवय ताडा।

सम्भाव्यता (याय् फै कि मफै) व मःगु खःला कि मखू (आवश्यकता) दक अध्ययन जुय धुकगुलिं हे जुई प्रस्तावित खवप विश्वविद्यालयया विधेयक हछ्यागु अलय संसदय् टेबुल जगु। अथेनं थवनं लिपाजक वगु विश्व विद्यालय संसदं पास जूयो न्ह्याकय धुकल। उलि कुतः याय् म्वाय्कः हे नेपाल विश्वविद्यालय विधेयक पारित जुयो न्ह्याकिगु ज्या क्वातुयो वांगु दः।

अथेनं खवप विश्व विद्यालय अजनं वैगु खानय् मरुनि। थथे छाय् जुला ? थुकिया प्राज्ञिक, राजनीतिक, व्यापारी वर्ग, राजनीतिक न्ह्यलुवा, बुद्धिजीवी व पत्रकार सकलसिनं बिचः याडः खँल्हाबल्हा याय् मःगु खानय् दः।

नेपःदेशय यक्व विश्व विद्यालय निःस्वानय् धुकगुलिं देशता मःपुं दक्ष जनशक्ति अपलं ब्वलाडः वगु नपां कन्हे

विश्वविद्यालय धायबलय् ब्वनयकुथि, क्याम्पसनपां ब्वनिगु, ब्वंकिगु अलय हिलः मालः अनुसन्धानया ज्या न्ह्याकिगु, पढ्ति हछ्याडः यकिगु अलय मदिकक ब्वनयगु व ब्वंकिगु लकस दय्किगु थाय् खः।

सयकः, ब्वडः, न्यडः, वा मेगु छुं काथं औपचारिक काथं शिक्षा वियता थुकिया तहांगु लाहा दै। विश्वविद्यालयं न्ह्याकिगु शैक्षिक ज्याइवः त छुं नं विषयलय् सुचुक च्वंगु अमूर्त ज्ञानत लुइकः धात्थेंगु मुर्तता बियमःगु खः।

थुकाथं स्वय बलय् भ्नीगु छँ, समाज नं छगु विश्वविद्यालय खः। भ्नीसं यायगु न्हिया न्हिथंया ज्याखयनं अपलं ज्ञान दैगु ज्या जुयो च्वनि अलय आनानं जीवन न्ह्याकय्ता मःगु ज्ञान, सीप व कलात सयके फै। थुकिता हे परम्परागत ज्ञान काथं डालः कायो भ्नीसं जीवन न्ह्याकः च्वनय् फै।

न्हिया न्हिथंया ज्याखय् भ्नीगु जीवनय् भ्नीगु हनय् ज्ञान, विज्ञान, गणित, सीप, कला, भाय थजगु ज्या इवः त जुयो च्वनि थजगु विषयता गुलिसिनं बांलाक

सच्छिखत पीछगुगु खवप पौ. ब.छि पौ(पाक्षिक)

ब्वलानिपुं दक्ष जनशक्तिया लागिं व्यवस्थापन यायता थाकुइ जक खःला ? मखुसा अः चाय्कः तःगु विश्वविद्यालयं व्वकिगु विषय व थुगु प्रस्तावित खवप विश्व विद्यालयं बिडगु विषय व व्वकिगुलि मपाइगुलिं खःला ? मखुसा जलाखाला जिल्लाय् अपलं विश्व विद्यालय बग्नेली (अपलं) आंशिक कयाम्पस दःगुलिं खः ला ? मखुसा खवप विश्वविद्यालयता सांसदपिसं छाया् मेकाथं स्वय मःगु ?

परम्परागत ज्ञान, सीप व कलाया भण्डार (धुकु) हे खः खवप दे । प्रस्तावित खवप विश्वविद्यालय स्थानीय व परम्परागत ज्ञान, सीपता व्वंकः अलय हिलः माला अनुसन्धान याय्गु मौका दै । थुकियाता च्वछाय्गु, ल्यंकः म्वाकः तयगु दायित्व याडः है । थुकिता अनुसन्धानया लिधंसा स्यल्लाक पिताय् है । थुकिया बांलागु लिचवयां देशय् लाइगु खः ।

भी पुर्खा दय्कः तः कगु ज्वः मरुगु धेबां कायमरुगु प्रविधितय्गु थौं कन्हैया ए.आई प्रविधि ह्छ्याड यंकय्गु मौका नं खवप विश्वविद्यालयं काई । उकीं थुकिता संसदं पारित याय्गु यक्व हे लिपा लात । संसदया थव लिफिलिफी परम्परागत ज्ञानता च्वयो, कियो न्हांड वांकय् मबियता ल्यंकः म्वाकः तयता लिपा लाकय् मज्यु । अः या पहलं थव याडः च्वंगु थें मचवं ।

विश्व विद्यालय न्ह्याकयता खवप नगरपालिकाता उलि थाकुगु नं मखु । जनशक्ति ह्यतानं अः महानगरं चाय्कः तःगु थी थी कयाम्पसं काय् फः । खवप कलेज इन्जिनियरिड्गं इलय व्यलय याइगु सम्मेलन, अन्तर्राष्ट्रिय ज्या इवःलय् थुकिं काइगु ब्वति व उकिया लिचवलं नं थुकिया योग्यता सियदय् धुकल ।

आर्थिक दृष्टिकोण थजुयो ब्यु वा भौतिक संरचना, खवप नगरपालिका व्यवस्थापनय् सक्षम खः । थुकिं स्रोत वृद्धि व व्यवस्थापन वैज्ञानिक ढङ्गायाय् फः ।

मेमेगु विश्वविद्यालय स्वयो बिस्कं पहलं नं ज्या सानयता खवप विश्वविद्यालय तयार दः । थौं कन्है अपलं अभिभावकपुं आधुनिक शिक्षाखय् नं इन्जिनियरिड, डाक्टरी, प्राविधिक शिक्षा खय् अपलं मन क्वसायकः च्वंगु दः । खवपं थुकिता हदाय तयो ज्या सानी । बरु थुकिता परम्परागत ज्ञान सीप व पहः नपां स्वाडः न्हँपहः (आधुनिकीकरण) यायता तस्कं कुतः याई । थजगु विधाखं व्वलांगु स्नातक व स्नाकोत्तरपिन्ता व्यवस्थापन यायता नं बिचः याय मःगुयां दहे दः । देशं दुनय्यं व पिनय्या व्वनामिपुं दुकाय्गु अलय् म्हवचाखय् नं सच्छिखय् नं सच्छिखय् हिब्व अन्तर्राष्ट्रिय व्वनामिपुं दुकाय्गु याडः योजना दय्के मः ।

भी थाय् दःगु अपलं विश्व विद्यालयत प्यदाया स्नातक तह काथं चाय्क च्वंगु दः । गुगु पिनय्या विश्व विद्यालय नपां ज्वः ला । थुगु विश्व विद्यालयं व्वलापुं अपलं व्वनामिपिनिगु आजु विदेश हे खानीगु । भीगु लाय् विदेशय् वानिपुं व्वनामिपुं व्वलांकय्गु थेंजक जुय धुकल । थुकाथं भीथाय् न्ह्याकः च्वंगु अपलं विश्व विद्यालयत कत देशया लागिं जनशक्ति व्वलाकिगु 'म्यान पावर कम्पनी' खः ला धाय्थें च्वनिगुयां पक्का हे जुल ।

विश्व विद्यालयं अःपुक व्वनामिपुं पास याकय्गु जक मखु, थः हे फःपुं (सबल), सुयोग्य, स्वरोजगार याय् फःपुं, थःगु थाय् व लकस काथंया ज्याखय् वैज्ञानिक ढङ्गं थःगु तृतिखय दानय् फःपुं स्वरोजगार याय् फःपुं, क्षमतावान याय् मः । व्वनय्गुलि बांला अलय् ज्यापा व सीप कमजोर जूसा अमिसं हलिमय थःता धिधिबल्ला याय् फम्हा जुय फैं मखु । सीप व क्षमता दः पिन्के नं अनुभव मदय् फः । थुकीं वैगु हिनता बोधया क्षति नं समाजं हे पानय मालिगु । अजपुं व्वनामिपिन्ता उथिंयंक व्यवहार याय्गु व मौका दय्कः बियगु दायित्व विश्व विद्यालय याय्गु हे जू

वई । अलय् जक विश्व विद्यालय निःस्वांगुया औचित्य दै । थुगु तातुना छखय् लाकः व्वनामिपुं पास याय्गुलि जक व्वाकः जुयगु खः सा छुं नं विश्व विद्यालयं थःगु तातुना पहः पलिस्था याय् फैं मखु । खवप विश्वविद्यालय थुकी अब्वल जुयो दाँ वै ।

जीवनोपयोगी शिक्षा :

सरकारं काइगु शैक्षिक नीतिया लिचवः शैक्षिक लागाय् तप्यंक लाई । राजनीतिक अस्थिरतां नपां विश्वविद्यालयया अध्ययन-अध्यापन व अनुसन्धानय अपलं लिचवः लाकः च्वंगु दः ।

अःलिपा वयो अपलं विश्वविद्यालय शिक्षा प्राविधिक स्वयो ज्या दैगु व ज्या मथां याय् फैंगु विषयलय् मन साल च्वंगु खानय् दः । शिक्षाया तातुना दक्ष न्हँपुं पुस्ताता थःगु हे थासय लाहातय् ज्या विय फैंगु क्षमता वियगु जुयमः । थुकि विश्व विद्यालयया मूल्य ल्यंकः तैगु नपां विश्वविद्यालयया इज्जत च्व जायकः विई ।

थजगु तातुनाखय, थःता च्वजाय्केगुलि खवप विश्व विद्यालय थी थी स्वापु दःपुं नपां मिलय जुयो मंकः कुत याय्मः थुगु ज्या तःलाक याय् फःसा विदेशय् वानिपुं व्वनामिपिन्ता पानय फैं । थःता मनदःगु विषय व्वनय् मखानिगु, दःगु विषयनं स्तरीय मजुइगु, भौतिक पूर्वाधार कमजोर जूगु समस्या नं दः ।

नेपालं स्वयो विदेशी विश्व विद्यालयं व्वलापुं जनशक्तित्ता भीथाय्या स्थानीय तह निसंया निकायतयसं यःकः च्वनि । उकिं न्हँगु पुस्ताया ध्यान विदेशी विश्व विद्यालय पाखय् वांगु जुयमः । अः तक थजगु विषय म्हवचा जक खँलाबल्हा व विचार विमर्श जूगु न्यनय् दः । फुक्क विश्व विद्यालयं चासो तःसां थुगु विषयसं छुं नं अनुसन्धान जूगु मरुनि ।

(च्वमि के.यू. या प्राध्यापक)

(अनलाइन खबरपाख)

खप नगरपालिकाया ज्या भक्तपुरः त

भक्तपुर काण्ड : सरकार पाखं गवसः गवयो यागु जः

मदौ १३ गते



खाँ नपां भक्तपुर काण्डता न्यायपालिकाता क्वत्यलः यागु घटना खः धायो दिल ।

भक्तपुर काण्डय् ज्वं पिन्ता युद्धख्य बुपिन्ता स्वयो ग्यापुगु दर्दनाक यातना ब्युगु खाँ काडः दिसे वयकलं शासक पिसं न्ह्याथिन्योगु निर्णय यायूता नं लिफः मस्वैगु थव छगू दसु खः धायो दिल । उकीं शासकपिसं न्ह्याथिन्योगु नं कठोर नीति छ्यलय फःगु, शत्रुतयसं साम, दाम, दण्ड व फुट (तछ्यायगु) नीति छ्यलिगु, इमान्दार कार्यकर्तापुं शासक पिनिगु मिखाया धू, जुइगु अपलं हुल संख्यात्मक स्वयो बिचः व सिद्धान्त च्वयलाई धायगु स्यल्लागु दसु 'भक्तपुर काण्ड' खः धायो दिल ।

खप नगरपालिकाया गवसालय पञ्चायती राज्यस्तरं गवु २०४५ सालया भक्तपुर काण्डया विरोध व कृषियगु ज्या जुल ।

नेपाल मजदुर किसान पार्टीया हानय बहम्हा नारायणमान बिजुक्छें 'रोहित' जुं 'भक्तपुर काण्ड' उब्ले सरकारं याय जक गवसः गवु महा जः खः धायोदिसे जनप्रतिनिधि व राजनीतिक कार्यकर्तापुं पद व धेवाया लागिं मखुसं देश व जनताया निःस्वार्थ सेवायाय् मः गु खाँ ब्याकसे अन्यायया विरोध मयाइपुं कम्युनिष्ट जुय फैं मखु धायोदिल ।

नगरपालिकाया कर्मचारीपिसं थःगु पद काथं इमानदार जुयो ज्या सानयता लाँपु क्यडः दिसे वयकलं नैतिकरूपं क्वह्यंम्हा मनूया समाजय भ्या भाति हे इज्जत दैमखु धायोदिसे राजनैतिक कार्यकर्ता सैद्धान्तिकरूपं स्यल्लायमःगु खाँ नपां वयकलं जनप्रतिनिधि व कार्यकर्तापिसं थःता जक जिइगु मस्वसें समाजता भिं जुइगु स्वयमः धायोदिल ।

वयकलं सम्पतिया लागिं मखुगु खाँ ल्हाइगु व जनप्रतिनिधि जुयो थमनं फाइदा काइगु ज्या मिलय मजु धायो दिसे राजनैतिक कार्यकर्ता व कर्मचारीपिसं मदिकक अध्ययन याय् मः, देशय् क्रान्ति जूसा सकल जनताया भिं जुइगु खाँ काडः दिल ।

नेमकिपाया केन्द्रीय दुजः नपां खप नगरपालिका प्रमुख सुनिल प्रजापति जुं भक्तपुर काण्डया धात्थेगु खाँ न्हेंगु पुस्ताता व्याकयूता थजगु ज्या इवः याय् मःगु खाँ काडः दिसे पुँजीवादी व्यवस्थाय् छलछाम, जालभेल व जः जि याइगु अजु चाय म्वः गु

उपप्रमुख रजनी जोशी भक्तपुर काण्डं खपया तताकेँपिन्ता राजनीतिक व सामाजिक काथं सयकः सिद्धकः ग्वाकः यंकयगु व छप्पा छधि याडः यंकयगु अभियान काथं हछ्यागु खाँ नपां भक्तपुर काण्डता संघर्ष काथं लुमांकय् बहजु धायो दिल ।

खप नगरपालिका वडा नं १० (उब्ले ४) या वडाध्यक्ष चन्द्रबहादुर उलकं भक्तपुर काण्डया इलयया थःगु अनुभव काडः दिसे नेमकिपाया विरुद्धय अःनं शत्रुत सक्रिय जूयो च्वंगुलिं पार्टी कार्यकर्तापुं सचेत जुयो छप्पा छधिजुयो हज्याय् मः धायोदिल ।

वडा नं. ७ या वडाध्यक्ष उकेश कवां नं भक्तपुर काण्ड नेमकिपाता हाँगः लिसे लियगु मतिं सरकारं गवस गवयो यागु जःखः धायोदिल ।

कार्यपालिकाया दुजः रोशन मैयाँ सुवालं समाजय ह्यूप ह्यता मिसामस्तनं राजनीतिक रूपं ग्वाकः च्वनय्मःगु खाँ भक्तपुर काण्डं स्यंगु खाँ नपां उगुइलय मिसातयूता नं अभद्र व्यवहार यागु खाँ काडः दिल ।

नेपाल नगरपालिका कर्मचारी एशोसियसन खप नगरपालिकाया नायो गौतम प्रसाद लासिवं भक्तपुर काण्डय् खप नगरपालिकाया कर्मचारी पिन्ता भुठ्ठा मुद्दा दय्कः अमानवीय यातना ब्युगु खाँ काडः दिल ।

उगु ज्या इवः सं खप नगरपालिकाया प्रमुख प्रशासकीय अधिकृत बसन्त भट्टराई जुं सुभाय देछायो द्युगु खःसा खप नगरपालिका वडा नं ९ या वडाध्यक्ष रबिन्द्र ज्याख्वं नं न्वचु तयो द्युगु खः ।

ऐतिहासिक भाजु पुखुली सुचुकुचु

खप नगरपालिकाया गवसालय भाद्र १५ गते शनिवार भाजु पुखुलीया चाकली सुचुकुचु ज्याभ्वः न्ह्याकसे वडा नं. १० या वडाध्यक्ष लक्ष्मीप्रसाद ह्योमिखां २०७४ साल निसें हे मदिकक बःछिया छक थाय् थासय् वाडः सुचुकुचु ज्याभ्वः न्ह्याकः वगु खाँ ब्याकसे पर्यटक पिनगु मन सालय्गु काथं खप नगरपालिकां थी थी ज्याभ्वःत न्ह्याकः वयो च्वंगु खाँ काडः दिल । अथेहे ८ नं वडाया वडाध्यक्ष कृष्णप्रसाद कोजुं सुचुकुचु ज्याभ्वः तः लाकयता नगरवासी पिनगु तः हांगु लाहा दैगु खाँ कुलदिसे थौं कन्हें दैगु ल्वय जुयो च्वंगुलिं सचेत जुयता धायोदिल । वडा नं १ या वडाध्यक्ष श्यामकृष्ण खत्री जुं वडाया ज्याभ्वः सं बुद्धिजीवीपिनगु साथ व ग्वाहाली दयो च्वंगु भक्तपुर क्याम्पसया गरीया लॉ चाय्केता क्याम्पस नपां खाँ जुयो च्वंगु खाँ नं काडः दिल ।

वातावरण समितिया दुजः नपां वडा नं २ या वडाया दुजः मञ्जुमाया लाखाजुं खपय देशं दुनयं व देशं पिनय्या पर्यटकपुं



अपलं वयो च्वंगु खाँ नपां खपय द्रहं वैगु लाँपुइ सुचुकुचु यायां यंकय्गु खाँ नं काडः दिल ।

ज्याभ्वःसं समाजसेवी कृष्णबहादुर दगुजुं खप नगरपालिकां गवसः गवगु वछिया छक सुचुकुचु ज्याभ्वः व भाजुपुखु ल्हवडः दयक ब्यगुलिं सुभाय देछायो दिल ।

भदौ १५ गते

धौं बाजाया दसिपौ

लोकेश्वर साकोसया गुँभव्य नपां धौं बाजाया दसिपौ इयगु ज्या खप नगरपालिकाया उपप्रमुख रजनी जोशीया मू पाहँलय क्वचाल ।



ज्याभ्वःसं उपप्रमुख जोशीं खप नगर हज्याकयता पुर्खाया योगदानत लुमांकय मज्यगु नपां पुर्खा दयकतकगु कला व सम्पदाया महत्वया खाँ काडः दिल । खपदे ऐतिहासिक, धार्मिक, सांस्कृतिक महत्व कः घाडः च्वंगु नगर काथं म्हासिइका पिब्वयो वयो च्वंगु खाँ ब्याकसे उगु कला-संस्कृति, मूर्त-अमूर्त सम्पदाय नपां मां भाय ल्यंकः म्वाकः न्हँगु पुस्ताता लःल्हाल्हां यंकय् मःधायो दिल ।

खप नगरपालिकां सांस्कृतिक लागा च्वजाय्केता थी थी तालिमत नपां धिं धिं बल्ला याडः वयो च्वंगुलि नगरता म्वाकः तय्ता ग्वाहाली जगु अलय समुदायया मनूतय्गु जीवन च्वजाय्केता थी थी तालिम, शैक्षिक ऋण, उद्यमशीलता ऋण, कासाया ज्या भ्वः, पर्यटकीय ज्याभ्वःत थजगु थी थी ज्याभ्वः त न्ह्याकः वयो च्वंगु दः धायोदिल ।

संस्था पाखं बाजा गाजा न्हँगु पुस्ताता स्यडः वगुलिं लयता प्वंकसे सहकारी संस्थापाखं थजगु ज्याभ्वःखं नगरपालिकाता ग्वाहाली

दयो च्वनिगु विश्वास वयकलं प्वंकः दिल ।

खप नगरपालिकाया पूर्व वडाध्यक्ष रविन्द्र बर्खुजां संस्थापाखं सामाजिक ज्याभ्वः पाखय सांस्कृतिक लागा तःब्याक यंकय्ता न्हँगु पुस्ताता तयारी यागुलिं सुभाय देछायो दिल । न्हँगु पुस्तां इतिहासया थीथी घटनात ब्वडःन्यडः थुइके मःगु खप नगरपालिकां पर्यटक पिंके शुल्क काय्गु २०५० साल निसें न्ह्याकगु खाँ नपां नेपाल मजदुर किसान पार्टीता हाँगलिसें हे लिडःछ्वयगु तातुडः थी थी इलय राज्यस्तरं हे जःजि ग्वगुलिं अपुं धू जुयो राज्य व्यवस्थाय् ह्युपा वगु खःधायोदिल ।

वडा नं. २ या वडाध्यक्ष हरिप्रसाद बासुकलां नेमकिपाया न्ह्यलुवाय् नगरपालिकां क्वत्यय्क च्वंपुं जनताया जीवनस्तर च्वजाय्केता, शिक्षा, स्वास्थ्य, सम्पदा ल्यंकः म्वाकः तय्गु, व्यवस्थित वस्तिया आवास योजना, सांस्कृतिक अलय कासा थजगु थी थी लागाता हृदाय तयो विकास निर्माणया ज्या याडः च्वंगु खाँ ब्याकः दिल ।

संस्थाया नायो राजन जतिया सभा नायोलय जगु उगु सभासं न्हँगु पुस्ताता कला संस्कृति ल्यंकःतयता संस्थां आर्थिक कारोवार नपां थी थी सांस्कृतिक नपां सामाजिक ज्याखय नं हज्याक च्वंगु खाँ व्याकसे नगरपालिकां समुदायया लिधंसाय न्ह्याडः च्वंगु सहकारीतयता मःगु ग्वाहाली याडः अलय (विशिष्टिकृत) तस्कं च्वजःगु सहकारी दय्केता मकाथं पला छियता सुभाय नं बियोदिल ।

धौं बाजा सय्कपुं नी डाम्हा सयकामिपिन्ता दसिपौ लःल्हागु उगु ज्या भ्वःसं सांस्कृतिक उप-समितिया कजि कमलश्वरी सुवालं व छ्याञ्जे राजु छुकां नं न्वचु तयो द्यगु खः ।

क्युबाया कार्यवाहक राजदूत खवपय

भदौ १८ गते



नेपः या लागिं क्युबाया कार्यवाहक महामहिम राजदूत अबेल अबाले डिस्पेन्ज जुं मंगलवार नेपाल मजदुर किसान पार्टीया नायो भाजु नपां वरिष्ठ राजनीतिज्ञ नारायणमान बिजुक्छें (का.रोहित) जु नपालाडः दिसे खँलाबल्हा याय्गु इवल्य नायो भाजु बिजुक्छें जुं क्युवाली जनता गुब्लें नं याकचा मजगु अलय न्यायपूर्ण संघर्ष हलिमयया न्यायप्रेमी जनतातयसं थें, नेपः या ज्या साडः नैपुं ज्यापु ज्यामिया नं साथ दःगु खँ काडः दिल । वयकलं क्युबाता याडः तःगु अमानवीय नाकाबन्दीया विरुद्ध नेमकिपां सदन व सडकय् मदिकक सःश्वकः वयो च्वंगु खँ काडः दिल ।

क्युबाया अःया राजनीतिक व आर्थिक अवस्था गथे च्वं जक न्यडः द्यगु न्हयसः या लिसः ब्यसे महामहिम राजदूत जुं अमेरिकी राष्ट्रपति बाराक ओबामाया पालय संयुक्त राज्य अमेरिका व क्युबाया दश्वी जगु कुटनीतिक स्वापुं न्हंगु हिकुनय थ्यंगु नपां अमेरिकी दूतावास हवानाय् चाय्के धुंगु इलय डोनाल्ड ट्रम्प राष्ट्रपति जूसेलिं व फुक्क निपंत छख्य् छ्वयो क्युबाता अजनं अपः अमानवीय नाकाबन्दी यागु खँ काडः दिल । राजदूत अबेल अबाले डिस्पेन्ज अमेरिकां फुक्क अन्तर्राष्ट्रिय वित्तीय संस्थात व निजी कम्पनीतयता नपां क्युबा नपां छुं नं आर्थिक ज्याइवत काल

बिल याये मते दक उर्दी चवयकगु खँ काडः दिल । क्युवाली न्हयलुवा व क्युवाली जनता ग्यापुगु, थाकुगु परिस्थिति नं मगयासें ल्वाडः च्वंगु खँ काडः दिल ।

नायो भाजु बिजुक्छें जुं आर्थिक नाकाबन्दी छुं राजनीतिक उपाय मखु अलय उर्की निर्दोष जनताता घाँटी तियगु ज्यायाडः च्वंगु अमानवीय व कुखिय मःगु खँ खः धायोदिल । वयकलं नेपाल मजदुर किसान पार्टी स्वतन्त्र व सार्वभौम देशय् अमेरिकी हस्तक्षेप (क्वत्यला) व कठोर नीतिया अखः पाखय् दःगु खँ नपां ल्याटिन अमेरिका, अफ्रिका थजगु देशय् जुयो च्वंगु अमेरिकी क्वत्यलाया विरुद्धया ज्या इवःत नपां थी थी पिथनात पाखं न्ह्याकं तुं च्वंगु दः धायो दिल ।

उगु नपालाय्गु ज्या इवःसं नेपाल मजदुर किसान पार्टीया केन्द्रीय दुजः नपां वागमती प्रदेशया सांसद सुरेन्द्र राज गोसाइँ जु नं भःगु खः ।

वनं हाँ कार्यवाहक राजदूत अबेल अबाले डिस्पेन्ज जु याता खवप नगपालिकाया प्रमुख सुनिल प्रजापति, वडा नं ५ या वडाध्यक्ष योगेन्द्र मान बिजुक्छें नपांया पुचलं लायकुली लसकुस याडः द्यगु खः । लायकु व तमारीभायो वयकलं मन क्वसायकः स्वयो दिलसा वनलिं खवप अस्पताल, खवप मा.वि., खवप कलेज, खवप इञ्जिनियरिङ्ग कलेज, खवप कलेज अफ इञ्जिनियरिङ्ग, आदर निकेतन, तःपुखु, न्हँपुखु नं भायो स्वयो दिल । नेमकिपाया जनप्रतिनिधिपिसं शिक्षा, स्वास्थ्यया लागाय् याडः च्वंगु सेवात च्वछाय बहजगु खँ ब्याकसे नेगु थाय्या (देया) अनुभवया कालबिल याय् मःगु खँ नं वयकलं काडः दिल । नपां वयकलं सम्पदा ल्यंकः म्वाकः तय्गु, ल्हवनय् कानय् व दानय्गु प्राज्ञिक लागाय् क्युवां तः लाक याडः च्वंगु ज्या व अनुभवत नेपः मि जनताया तुगालय् धवाथुइकः कानय् मन दःगु खँ नं वयकलं काडः दिल ।

छलफल



भाद्र १५ गते

यल,थेचोया समाजसेवीपुं खवप नगरपालिका पाखं चाय्कःतःगु खवप अस्पताल स्वःभःपिन्ता खवप नगरपालिका ज्याभ्वः काडःदिसे खवप नगरपालिकाया प्रमुख सुनिल प्रजापति ।



भाद्र १६ गते खवप नगरपालिकाया प्रमुख सुनिल प्रजापति नपां मोरङया लेटाड नगरपालिका या नगर प्रमुख भुपेन्द्र कुमार लावतीजुं आइतबार नगरपालिकाय भायो नपा लाडः दिल । नपालाय्गु भ्वलय वयक पिनि दश्वी नेगु नगरपालिकाया शिक्षा लागाय् मंकःलं ज्याभ्वः गथे न्ह्याकय् फँ धाय्गु खँला वल्हा जुल ।

बजार अनुगमन

भदौ १९ गते



खवप नगरपालिकाया अनुगमन समितिया दुजः ज्ञान बहादुर मानन्धरया न्हयलुवाय बुधबार च्याम्हासिंह-देगइनाया पसः अनुगमन यात ।

अनुगमनया इलय देगः ग्रोसरी मार्टया पसः स्वन्ह्या दुनय नवीकरण याय् मःगु, म्याद फुगु सामानत जम्बो स्प्राइट डागः, सिमिल्याक दुरु छगू प्याकेट, ल्याक्टोजोन दुरु छगू प्याकेट जफत याडः ध्यात सा प्वः चिड्गु सामानत खाद्य अनुज्ञापत्र कायो जक लेबल तिकः मियता, अलय प्यान, भ्याट बिल, दर्ता प्रमाणपत्र या भ्वैत, मरुगुलिं आन्तरिक राजश्व कार्यालयं नीद्वतका दां बं पुड्कगु खः । मुकेश फलफूल एण्ड जुस पसल दर्ता मजगुलिं दर्ता याक म्याद फुगु मारी बिस्कुट डागू पाकेट, आं न्हयगु किलो जफत याडः धू यात ।

सफ्ट ग्रिन ट्रेडिङ्ग प्रा.लि. नवीकरण याय्गु, प्वः चिडः तःगु सामानत खाद्य अनुज्ञापत्र कायो लेबल तिकः जक मियता धःगु जुल ।

श्री बी मार्टय प्वः चिड तःगु सामानत खाद्य अनुज्ञापत्र कायो लेबल तिकः मिय मःगु अथे मयागु विश्व मसला उद्योगया हलुचुं गुगु पाकेट, मल्ला चुं हिगु पाकेट, जिम्ले च्यागू पाकेट, धन्योचा नेगु पाकेट जफत याडः धू यात ।

विश्व आलु प्याज भण्डारय प्वःचिड तःगु सामानत खाद्य अनुज्ञापत्रया लेबल मरुगुलिं स्वन्ह्या दुनयँ भ्वै ज्वडः कार्यालय वयतत धःगु जुल ।

स्टार मिनिमार्टय् म्याद फुगु सामानत कोलगेट टुथपेष्ट-छगः, रियल जुस छगः, ल्याक्टोफन छगः, डाइजेस्टिभ बिस्कुट प्यथु, टपटड्का छगः, निशाकलर छगः, इंकया अचार स्वंग, तुड्गु मलय स्वंग, हाकुगु मलय छगः, तेबु चिच्यावगु खूगु पाकेट

व तः ग्वगु हिंस्वगु पाकेट जफत याड धू यात ।

अनुगमन समितिसं स्यानिटेसन उपशाखा प्रमुख दिलिपकुमार सुवाल, वडा निरीक्षक राम कृष्ण प्रजापति, कर उप शाखाया प्रभाष कुमार चालिसे, जिल्ला प्रशासन कार्यालय भक्तपुर या हरिहर काफ्ले, घरेलु तथा साना उद्योगया सुमित्रा श्रेष्ठ, उद्योग तथा वाणिज्य कार्यालय भक्तपुरया लक्ष्मीप्रसाद कासुला नं भ्रःगु खः ।

अथेहे भाद्र २० गते खवप नगरपालिकाया अनुगमन समितिया दुजः रोशन मैयाँ सुवाल या न्हयलुवाय विहिवार गःपलि पसः अनुगमन यात ।

अनुगमनय साख मार्ट नवीकरण याय्ता नपां म्याद फूगु बेची छगु पाकेट धू यात । अथेहे मिनिसप नेपाल प्रा.लि. पसः नवीकरण याय्ता, म्याद फूगु च्युरे निम साभूँ १०३ गः जफत याडः धू यात । अथेहे एस.आर. स्टोरय् प्याकेजिङ्ग सामानत खाद्य अनुज्ञापत्र कायो लेबल तिकः मियता धायोदिल ।



अथेहे शुभारम्भ किनमेल घर स्परटन पानीपुरी मसला गुगुपाकेट व रोजबेरी मसला तःपाकेटगु गुगू पाकेट व चिच्यापाकेटगु प्यंगु पाकेट जफत याडः धू याडः धः तालाजु नवीकरण याय्ता धःगु जुल ।

अनुगमनय दुजः ज्ञान बहादुर मानन्धर, स्यानिटेशन उप शाखा प्रमुख दिलिप कुमार सुवाल, वडा निरीक्षक राम कृष्ण प्रजापति कर उपशाखाया प्रभाष कुमार चालिसे, जिल्ला प्रशासन कार्यालय भक्तपुरया हरिहर काफ्ले, आन्तरिक राजश्व कार्यालय भक्तपुरया विनादे प्रसाद आचार्य, घरेलु तथा साना उद्योग या सुमित्रा श्रेष्ठ, उद्योग तथा वाणिज्य कार्यालय भक्तपुरया लक्ष्मीप्रसाद कासुला, भक्तपुर उद्योग वाणिज्य संघया राजेश त्वानावासु नं नपां वगु जुल ।

बीमापाखं खप अस्पतालं २० करोड स्वयो अपः काय मनि

मदौ २० गते

खप नगरपालिकाया प्रमुख सुनिल प्रजापति जुं नेपाल सरकारं स्वास्थ्य बीमापाखं बियमःगु धेबा लिपालाकःतःसेलिं अस्पताल न्ह्याक चवनयूता समस्या जुगु खाँ काडः दिल ।

नेपाल सरकार स्वास्थ्य बीमा बोर्डया नायो गुणराज लोहनी नपां विहिवार नपालाडः प्रमुख प्रजापति जुं स्वास्थ्य बिमाया धेबा इलय हे मब्यूसेलिं खप नगरपालिकापाखं चायूकः तयागु खप अस्पताल चायूकेता तस्कं थाकुगु खाँ काडः दिल ।

बीमा बोर्डपाखं खप अस्पतालं नीगु करोडतका स्वयो अपःधेबा सोधभर्ना काय मानिगु खाँ कासे फक्व मथां उगु बीमाया धेबा बियता ध्यानाकर्षण याडः दिल ।

खप अस्पतालं जनताता दांकः व भिंकः, अःपुक, स्वास्थ्य उपचार सेवा ब्यू ब्यू वयो च्वंगु खाँ ब्याकसे वयकलं खप अस्पतालं न्हिं च्यासम्हा स्वयो अपः बिरामीपिन्ता स्वास्थ्य सेवा ब्यू ब्यू वयो च्वंगु खाँ काडः दिल ।

स्वास्थ्य बीमा बोर्डया नायो गुणराज लोहनी इलय हे स्वास्थ्य बीमाया धेबा मब्यूसेलिं स्वास्थ्य बिमा याडः सेवा कायो च्वंपुं व सरकारी अस्पतालया सेवात बिय मफयो बाँमलागु लिचवः लाइगु खाँ खः धायोदिसे स्वास्थ्य बीमाया धेबा फक्व मथां बियगु बचं बियो दिल । वयकलं खप अस्पतालता स्वास्थ्य बीमा पाखंया बियमःगु धेबामध्ये म्हवचाख्य नं बच्छी धेबा लच्छिया दून्य



बियगु खाँ काडः दिल ।

स्वास्थ्य बीमा बोर्डया कार्यकारी निर्देशक दामोदर बसौला जुं स्वास्थ्य बीमा बोर्डकय धेबा मरुगुलिं हे अस्पतालता स्वास्थ्य बिमाया धेबा बियमफूगु खाँ काडः दिल ।

वयकलं स्वास्थ्य मन्त्रालय पाखं अर्थमन्त्रालयकय ८ अर्ब ७५ करोड तका धेबा माग याडागु खाँ ब्याकसे अस्पतालतयूता फक्व मथां स्वास्थ्य बीमाया धेबा पुलः बियगु खाँ काडः दिल ।

नपालायगु इवल्य खप अस्पताल व्यवस्थापन समितिया दुजः नपां वडा नं. २ या वडाध्यक्ष हरिप्रसाद बासुकला व अस्पतालया निमित्त मेडिकल डाइरेक्टर मजेश प्रताप मल्लनपांया पुत्रः भःगु खः ।

स्वास्थ्यया लागा सेवामुखी जुयमःगु

मदौ २० गते



खप नगरपालिकापाखं चायूकः तःगु खप बहुप्राविधिक अध्ययन संस्थान नर्सिङया न्हँपुं ब्वनामिपिन्ता लसकुस या ज्या इवः सं कलेज सञ्चालक समितिया नायोनपां खप नगरपालिकाया प्रमुख सुनिल प्रजापति जुं खप नगरपालिकां चायूक तःगु कलेजय् व्वं वपुं सकल ब्वनामिपिन्ता च्वजायकः ब्वंकयूता शिक्षक-

शिक्षिकापिन्ता धायो दिल ।

खप नगरपालिकां देया सेवा याय फःपुं जनशक्ति ब्वलांकः च्वंगु खाँ ब्याकसे वयकलं स्वास्थ्यया लागा सेवा मुखी जुयमःगु सरकारं निःशुल्क मेडिकल शिक्षाया ब्वस्था यागु जूसा जनशक्ति छ्यलयूता अःपुङ्गु, नेपःया जनशक्ति विदेशीया दांपुं ज्यामि जुयो

सचिद्वत पीछगुगु खप पौ, बःछि पौ(पाक्षिक)

चवंगु धात्थेगु खॉ काडः दिल ।

नर्सिडपेशा सेवा भावं ज्या सानिगु पेशा जुगुलिं थुगु पेशाखय् अपलं पंग तः वैगु नपां उकिता अःपुक न्हांकः हज्याय् फौगु खॉ काडः दिसे वयकलं स्वास्थय उपचार तस्कं थिकय जुयो वसेलिं अपलं मनूत वासयायां गरिब जुजुं वांगु अलय् नर्सपिसं विदेशीया सेवा स्वयो थःगु देशयाय् पिन्ता सेवा याय्गु मतिं ज्या सानय् मः धायोदिल ।

उपप्रमुख रजनी जोशी शिक्षा सफलताया स्थल्लागु लिधंसा जूगुलिं समाजता हे शिक्षित याय्गु तातुडः खप नगरपालिकां थी थी ब्वनयकुथित चाय्कः वगु खॉ ब्याकसे खप सर्कलया शैक्षिक विशेषता व तातुनाया खॉ ब्याकसे वयकलं छम्हा जिम्मेवार नर्सकय् दयमःगु आचरणया खॉ काडः दिल ।

खप नगरपालिका वडा नं ९ या वडाध्यक्ष रबिन्द्र ज्याख्वं खप नगरपालिका शैक्षिक संस्था चाय्केगुलि न्हयलुवा

संस्था खः धायोदिसे देयालागिं मःपुं दक्ष व जिम्मेवार नागरिक ब्वलांकयता संस्था न्हयलुवा जुइगु खॉ काडः दिल । वयकलं खप सर्कलया शैक्षिक संस्थात देया ब्वस्यलागू ब्वनयकुथि काथं हज्याडः वगु खॉ ब्याकसे न्हूगु पुस्ताता स्थल्लाकः ब्वलांकयता थुगु संस्थात ज्या साडः चवंगु दः धायोदिल ।

खप अस्पतालया निमित्त मेडिकल डाइरेक्टर मजेश प्रताप मल्लं मेडिकल लागु संवेदनशील व चुनौती जःगु पेशा जक मखु सम्मानजनक पेशानं खः धायोदिल । उकिं थुगु पेशाता धर्मकाथं छ्यलयता नं धायोदिल ।

ज्या इवः सं खप बहुप्राविधिक अध्ययन संस्थानया प्राचार्य डा. रत्न सुन्दर लासिव, नर्सिड्या विभागीय प्रमुख ईश्वरी डंगोल व शिक्षिका रबिना सुवालं कलेज निःस्वांगुया तातुना व ब्वनामिपिसं याय् मःगु आचरण व अनुशासनया खॉ नं काडः दिल ।

वर्ग शत्रुं अनेक जः ग्वयो जालय लाकय्फः

भदौ १९ गते

मध्यपुरय् मङ्गलवार 'भक्तपुर काण्ड' या कुंखियगु ज्या इवः सं नेपाल मजदुर किसान पार्टीया केन्द्रीय दुजः नपां खप नगरपालिकाया प्रमुख सुनिल प्रजापति जुं लेनिनवादी नीति काथं नेमकिपां प्रतिक्रियावादी स्वयो अभू प्रतिक्रियावादी संघ संस्थाय् द्रहं वाडः जनताया सेवा याय्गु नीति कःगु वहे काथं भक्तपुर नगर पञ्चायतं न्हय्गू तगिं तक धेबा म्वायक ब्वंकय्गु व्यवस्था यागु, नगर पञ्चायतया लय पौ 'भक्तपुर' सं माओत्सेतुडग व स्टालिनया जीवनी पिथांगु खॉ कुलः दिसे वयकलं शत्रुं छुं नं इलय अनेक जः ग्वयो जालय क्यंकय् फःगुलिं पला पतिकं होस याय मः धायोदिल ।

भक्तपुर काण्डया इलय पृथ्वी नारायण शाहं स्वनिगः त्याकगु इलय स्वयो अपः अत्याचार यागु खॉ ब्याकसे नेमकिपा शत्रुया हःनय् कपः क्व मछुकसें दमनया विरोध यागु खॉ ब्याकसे वयकलं नेमकिपाया योगदानं खपया शैक्षिक स्तर च्वछाय वह जुइकः ह्युपा हःगु नपां खप विश्व विद्यालय निःस्वानयता खप नगरपालिका जुयो चवंगु दः धायो दिल ।

इन्जिनियर व नर्सत ब्वलांक, सम्पदा ल्यंकः म्वाकः तयो, सुचुकुचु ज्या हछ्याडः खप नगरपालिका मे मेगु स्थानीय तहयालागिं अनुसन्धानया थाय् जुगु खॉ ब्याकसे थःथःगु थासं जनताया सेवा खय् हज्याय् मःगु खॉ नं वयकलं धायोदिल ।

सूर्यराम श्रेष्ठ जुं न्हयलुवा नेता व कार्यकर्ता पिनिगु संघर्षया खॉ कुल दिसे ल्यासे ल्याम्होपुं, ब्वनामिपुं, कार्यकर्तात राज्यया बेथितिया विरुद्ध हज्याय्मःगु विचः प्वंकः दिल ।



जनमत संग्रहया इलय देया वामपन्थीत बहुदलया पालिडः जूगु खःसा उब्लय् हे पञ्चायत क्वदैगु विचः प्वंकसे वयकलं भक्तपुर काण्ड लिपा पञ्चायत विरुद्धया राष्ट्रिय संयुक्त आन्दोलन न्ह्याकगु विचः प्वंकः दिल ।

मध्यपुर थिमि नगरपालिका वडा नं ८ या वडाध्यक्ष रमेश थापा श्रेष्ठ जुं न्हयार्थिन्योगु काथं मछिंगु इलय नं जनताया सेवा याय् मःगु प्रेरणा भक्तपुर काण्डं ब्यगु विचः प्वंकः दिल ।

राज्यया जनविरोधी नीतिया पक्षपात याडः राहत इडः ब्यगु खॉ कुलः दिसे वयकलं नेमकिपाता पुसा हे मदकः धू याय्गु मतिं राज्यस्तरं जः ग्वगु खॉ काडः दिल । उगु ज्या इवः सं रमेश बैध व वीरकृष्ण प्रजापति नं न्वचु तयो द्युगु खः ।

भक्तपुर काण्डया प्रवचन

मदौ २१ गते

बासु माध्यामिक विद्यालयया गवसालय् जूगु २०४५ सालया भक्तपुर काण्डया लुमन्तिया ज्या इवःसं मू पाहाँ खवप नगरपालिकाया प्रमुख सुनिल प्रजापतिजुं नेपालय् पञ्चायती ब्यवस्था क्वः दःगुलि भक्तपुर काण्डया नं महत्वपूर्ण भूमिका दः धायोदिसे नेपाल मजदुर किसान पार्टीता हाँगः लिसें हे ल्यं थानय्गु तातुडः गवगु महाजः खः धायो दिसे न्हँगु पुस्ताता थजगु खाँ काडः राजनैतिक व सैद्धान्तिक काथं ग्वाकः तय फःसा हकनं थजगु जः गवय् मफैगु खाँ काडः दिल ।

वयकलं भक्तपुर काण्डया इलय् नेमकिपाया नेताकार्यकर्तापिन्ता तस्कं मानसिक व शारीरिक कष्ट ब्यसां न्ह्याथिन्योगु कष्ट नय मःसां काथं मछिगु इलय् नं नेमकिपां थःगु सिद्धान्त त्वः मतसिं सेवा याडः वगु खाँ काडः दिल ।

ने.क्रा.शिक्षक संघ भक्तपुर जिल्ला समितिया नायो गणेश राम थुसा जुं राज्यस्तरं गवगु गवसः पू वांकय् मफैगु खाँ ब्याकसे नेमकिपां न्ह्याब्लें अन्याय व अत्याचारया विरोध याडः वयो च्वंगु दः धायो दिल ।

शिक्षकपिसं न्हँगु पुस्ताता थजगु जः गवययोगु खाँ काडः



ग्वाकः यंकय् मःगु उब्लेया भक्तपुर काण्ड शिक्षा लागाय् नं बांमलागु लिचवः लागु खाँ नं वयकलं काडः दिल । ब्वनय्कुथिया प्र.अ. रबिलाल प्रधानया सभा नायोलय् जूगु उगु ज्या इवःसं सहायक प्र.अ. राजकुमार ह्योमिखां भक्तपुर काण्डया इलय् या थःगु अनुभव काडः दिल ।

ज्या इवःसं शिक्षक प्रतिनिधि विष्णु प्रसाद दुमरु व शिक्षिका सुनिता घटुवां न्हँगु पुस्ताता भक्तपुर काण्डया खाँ कानय्ता ज्या इवः न्ह्याकगु खाँ काडः दिल ।

कासाता ह्दाय तय मःगु

मदौ २१ गते

खवप नगरपालिका वडा नं ६ खेलकुद समिति भक्तपुर किक बक्सिड संघया गवसालय जूगु कासामि हानय्ज्या ज्या इवःसं खवप नगरपालिकाया प्रमुख सुनिल प्रजापतिं मः काथंया पूर्वाधार व बांलापुं कासामिपुं ब्वलांकय् मफैगु खाँ ब्याकसे सरकारं कासाता ह्दाय तयो ज्या मसांगुलिं मति तयाकाथंया कासामिपुं ब्वलांकय् मफगु खाँ काडः दिल ।

तहांगु त्याग यापिसं जक तहांगु सफलता नं काय फैगुलिं बांबांलापुं कासा स्यनामिपिन्ता राज्यं हानय् ज्या याय् मफैगुलिं कासामिपुं विदेशय् वाडः च्वंगु खाँ नपां अन्तर्राष्ट्रिय कासा म्हेतिपिसं थःगु देशता राष्ट्रिय कासा म्हेतिपुं कासामिपिसं थःगु पालिकाता ह्दाय तयो म्हेतय् मःगु खाँ ब्याकसे वयकलं बांलापुं कासामिपुं



ब्वलांकय् फः सा अजपुं कासा स्यनामि पिनिगु नां इतिहासय् च्वंगुलि दिपक श्रेष्ठया कार्यकालय करंते कासाय् बां बां लापुं राष्ट्रिय व अन्तर्राष्ट्रिय कासामिपुं ब्वलानिगु आशानपां लसहांसे सुभाय् नं देछायो दिल ।

६ नं. वडाया वडाध्यक्ष हरि राम सुवालं दक्षपुं ल्यासे ल्याम्हो पुं विदेशय् वांसेलिं दे हज्याय् मफैगु नपां कासामिपिसं देया सार्वभौमिकता ल्यंकः तय्ता कासा म्हेतय् मः धायो दिलसा ६ वडाया दुजः गोविन्द दुवालं कासामिपुं इमानदार अनुशासित व नैतिकवान जुय मःगु राजनैतिक नेता तय्के व मरुगुलिं देशं दुर्दशा फय मःगु खाँ काडः दिल । अथेहे कार्यपालिकाया दुजः रोशन मैयाँ सुवालं छिकोड नपां मेमेगु कासा नं वडां हछ्याडः च्वंगु खाँ काडः दिलसा नेपाल किक बक्सिड संघया तिःस्वानामि दिपक श्रेष्ठ, ६ वडा खेलकुद समितिया कजि राजुसिंह बजिकौं व स्यनामि राम शरण त्वाती नं न्वचु तयो द्यूगु खःसा मू पाहाँ प्रजापति जुं प्रमुख स्यनामि दिपक श्रेष्ठ व प्यकगू अन्तर्राष्ट्रिय मुवाथाई कासाय् स्वर्णपदक त्याकम्हा कासामि प्रविन तामाडता हानय् ज्या याडः द्यूगु जूल ।

महालक्ष्मी नगरपालिकाया समाजसेवीपुं खवप नगरपालिकाय्

भदौ २२ गते



खवप नगरपालिकाया कला, संस्कृति व सम्पदा ल्यंकः म्वाकः तय्गु नपां शिक्षा व स्वास्थ्यया लिधंसाय् जनताया सेवा याय्गु सयके थुइकेगु मतिं महालक्ष्मी नगरपालिका यलया समाजसेवीपुं खवप नगरपालिकाय् भाल ।

श्वहे इवलय् खवप नगरपालिकाया प्रमुख सुनिल प्रजापति जुं समाजवादी व्यवस्थापनय् जनताया सरकार जुइगुलिं आना शिक्षा व स्वास्थ्य जनताता धेबा म्वायकः राज्यं हे विइगु खाँ ब्याकसे खवप नगरपालिकां शिक्षा व स्वास्थ्यया लागाय् सेवा वियता कलेज व अस्पताल चाय्कागु खाँ काडः दिल ।

नगरपालिकापाखं चाय्क तःगु खवप अस्पतालय् च्यास गुसति (गुकी ८० प्रतिशत बिमा याय्पुं) विरामीपुं वैगु खाँ ब्याकसे वयकलं खवप अस्पतालं स्वास्थ्य बीमाकय् पलिसा काय् मःगु २० करोड स्वयो अपः दय धुंकागुलिं अस्पताल चाय्केता थाकुगु खाँ काडः दिल ।

नगर प्रमुख प्रजापति जुं जनताया शिक्षा स्तर च्वजाय्केता थी थी कलेजत चाय्कः इञ्जिनियरिङ्ग, व्यवस्थापन, मानविकी, शिक्षा, कानून व नर्सिङ्ग विषय म्हवचा धेबां ब्वंकः वयो च्वंगु उगु कलेज पाखं देशां देछिया ब्वनामिपिसं शिक्षा कायोच्वंगु खाँ काडः दिसे फुक्क नगरपालिका विकास निर्माण या ज्यात स्थानीय उपभोक्ता समिति पाखं याडः वयो च्वंगु उकिया ल्याचा खवप सः, खवप एफ. एम., खवप पौ, भक्तपुर लय पौ, खवप नगरपालिकाया अनलाइन व खवप टेलिभिजन पाखं न्हयकनय् स्वयथें पारदर्शी याडः वयागुखाँ काडः दिल । खवप नगरपालिकां थानाया मठ, देगः लाँ व थी थी निर्माणया ज्यात ठेक्का म्ब्यूसें स्थानीय मन्ततयो उपभोक्ता समिति दय्कः ज्या जुयो च्वंगु गुकिं लागत स्वयो म्हवचा धेबां बांलाकः भिंकः ज्या जुयो च्वंगु खाँ काडः दिल ।

ज्या इवः सं नेपाल मजदुर किसान पार्टीयाय्लया नायो भाजु राजवीर डंगोल जुं देशय जुइगु भ्रष्टाचारय् कर्मचारी निसें मन्त्री तक थ्याइगुलिं विकासया धेबा इडः नयो विकास मजुगु खाँ काडः दिल ।

खवप नगरपालिका पर्यटन सूचना व सेवा केन्द्रया प्रमुख गौतमप्रसाद लासिवं खवप नगरपालिकाया जनप्रतिनिधिपुं पार्टीया घोषणा-पत्र काथं हे ज्या हज्याकः च्वंगु अलय् विदेशी, एन जि ओ पिन्के ग्वाहाली मकसें जनप्रतिनिधि, कर्मचारी व जनता नपां मिलय जुयो ज्या साडः च्वंगु खाँ काडः दिल ।

अध्ययन भ्रमणया इवलय मार्ग निर्देश व अःपुक ब्यगुलिं सुभाय् देछासे महन्त महर्जनं खवप नगरपालिकाया ज्या स्वयो भीसं सय्के मः धायो दिल ।

स्वास्थ्य शिविर

भदौ २२ गते

खवप नगरपालिका वडा नं २ कार्यालय ब्यासीया ग्वसालय जूगु हाडजेनी व नशा अलय मिखाया लवय सम्बन्धीया स्वास्थ्य शिविर ज्या इवःसं मू पाहाँ खवप नगरपालिकाया प्रमुख सुनिल प्रजापति जुं स्वास्थ्य हे तः हांगु धन जुगुलिं जनता स्वस्थ्य जूसा नगर नं स्वस्थ्य जुइगु खाँ ब्याकसे न्हपा पुनिगु लवचं अपलं मन्त सीगु खः सा अः मपूनिगु अथेधाय् दीर्घ लवचं अपलं मन्त सीडः च्वंगु खाँ ब्याकसे बुँ ज्या सानिपुं कृषकपिसं बालीखय् विषादी हवलिबलय् सावधानी काथं



सच्छिखत पीछ्छगूगु खवप पौ, बःछि पौ(पाक्षिक)

लक्ष्मी नरसिंह देगः



भदौ २४ गते

खवप नगरपालिका वडा नं. ४ गःहिति चवंगू लक्ष्मी नरसिंह देगः दानयगु ज्या मदक्क न्ह्याड चवंगु दः । अः काष्ठकला (सिँ यायगु ज्या) जुयो चवंगु दः ।

मह्वसे वेवास्ता याडःहवगुलिं अः अपलं कृषकपुं क्यान्सर लव्य जूपुं खानय् दःगु खौं कुलदिसेअपलं बाली सय्केगु तातुडः जनताया स्वास्थ्य स्यंकय् मज्यू धायो दिल ।

शिविरय् लव्य छु खः धायगु सिडके फःसा मथां वास याय दैगुलिं जनताया सेवा यायता हे खवप अस्पताल चाय्कागु खौं काडः दिल ।

वडाध्यक्ष हरिप्रसाद बासुकला (२) जू खवप नगरपालिकां शिक्षा, स्वास्थ्य व व्यवस्थित आवासया लागिं आयोजनात न्ह्याकः चवंगु नगरपालिकां बियो वगु सुविधा जनताता भिं यायता हे खः धायो दिल ।

उगु ज्या इवःसं खवप अस्पतालया डा. मजेश प्रताप मल्ल, नेम्हा वडाया दुजः पुं श्याम सुन्दर मातां व मञ्जू लाखाजु, रत्नकाजी नायभारी पिसं न्वचु तयो द्यगु खः ।

न्वाइगु ज्याखं भीसं सय्के -सिडके फैगु

भदौ २३ गते



ज्या सानि पिन्ता हे न्वाइगुलिं थुकिता थःता भिंकयता धःगु धायगु थुडके मः धायोदिसे खवप नगरपालिकाया प्रमुख सुनिल प्रजापति जुं नेपाल क्रान्तिकारी महिला संघ खवप नगरपालिका वडा नं. ८ या ग्वसालय जूगु गुँ भव्यसं न्वचु तयो द्यगु खः ।

वयकलं सडकट मनुयाता हे वडगुलिं सडकट नपां ग्याडः मखु ल्वाडः पूंजीवादी बिच. त्वःतः समाजवादी बिचः ज्वडः हज्याय् मः धायो दिसे हाकुपरासी मिसातय्गु छगू बांलागु म्हासिडका काथं, न्हपानिसें छ्यलः वयो चवंगु अः न्याडः तियमः गुलिं अः हकनं थःगु सीप छ्यलः हाकुपरासी थाय् सय्के मःगु अलय् सीप दःपुं गुब्ले कतया भरय् म्वाय् म्वालिंगु खौं नं काडः दिल ।

नेपाल क्रान्तिकारी महिला संघया नकीं मयजु अनुराधा थापा मगर जुं विचः, सिद्धान्त व देशभक्तिया भावना कः घाडः

ज्या सांसा न्ह्याथिन्योगु जःनं चफुडः न्ह्याथिन्योगु शक्तिनं क्वछुय मालिगु ज्या खवप देशं याडः क्यंगु खौं कुलः दिसे नेमकिपाया सिद्धान्तं प्रतिक्रियावादीतय् कप स्याकगु खौं ब्याकसे तीजता शोषित पीडित महिलातय्गु मुक्तिया लागिं छ्यलय् मःधायोदिल ।

नेपाल क्रान्तिकारी महिला संघ भक्तपुर नगर समितिया नकीं मयजु रामेश्वरी कोजुं थौंकन्हे भौतिक जक मखु सांस्कृतिक लागाय नं ह्यूपा ह्यमः धायो दिसे अग्रजपिनिगु बलिदान नं व संघर्ष खवप दे च्वछाय वहजु थाय जूगु खौं कुलः दिसे वयक पिनिगु अजगु ज्याता भीसं हानय् ज्या याय् मः धायो दिल ।

ग्वसाखलया नकीं कमलकेशरी खायमलीया सभानकीलय् जूगु उगु ज्या इवःसं नेमकिपा ८ नं वडाया नायो लक्ष्मी नारायण दुवाल महिला वडाया दुजः सुमित्रा बोहजु, सडगीता दुवाल पिसं नं न्वचु तयो द्यगु खः ।

इसानया ग्वसालय फुटसल

भदौ २५ गते

खवप नगरपालिकाया प्रमुख सुनिल प्रजापति जुं कासां कासामिपिसं राष्ट्रिय व अन्तर्राष्ट्रिय कासा ख्यलय बांलाक कासाम्हेतः देया इज्जत च्वजायूकगु खौं संस्थागत विद्यालय संघ नेपाल इंसान जिल्ला समितिया ग्वसालय राष्ट्रिय बालदिवसया लसताय भाद्र २५, २६ व २७ गते स्वन्हूतक जुइगु जुनियर फुटसल कासाया धिं धिं बल्लया उलेज्या ज्याइवः सं काडः दिल ।



वयकलं ब्वनामिपिसं थःगु जीवनय यागु मेहनतं ब्वनामिपिनिगु कन्हेया दिन बांलाइगु खौंकाडः दिसे छुं नं ज्या तः ह्यां चिच्याह्यां मदैगुलिं (श्रम) ज्यायाता माया याय्मः धायोदिल ।

थाकुक मेहनत याइगु अलय परिश्रमं हे ब्वनामिपिन्ता तः लाकिगुलिं कासाया ज्या इवः नं मदिक्क न्ह्याकः यंक्य फःसा शारीरिक व मानसिक नेगू तुं स्वस्थ व तन्दुरुस्त याडतयता ग्वाहाली जुइगु खौं ब्याकसें वयकलं खवप नगरपालिकां कासाया धिं धिं बल्ला न्ह्याकं तुं च्वंगु गुगु कासाया ज्याइवः सरकारया भर मकःसें थःगु हे स्रोत व साधनं हछ्याय्गु कुतः जुयो च्वंगु खौं काडः दिल ।

इसानया केन्द्रीय नायो भाजु प्रेमजन थापा श्रेष्ठं ब्वनामिनिगु बौद्धिक व मानसिक विकास नपां नपां शारीरिक विकासया लागिं नं कासां तस्कं ग्वाहाली याइगु खौं थुइकः इसानं ब्वनामिपिनिगु (समग्र) चाकलीं विकासया लागिं (अतिरिक्त क्रियाकलाप) ब्वनय्गु बाहेकं मेगु ज्याइवः तःनं याड वगु खौं काडः दिल ।

ईसान भक्तपुर जिल्ला समितिया नायो भाजु कृष्ण राम त्वानाबासुया सभानायोलय जुगु उगु ज्या इवःसं वयकलं ईसानया दुजः ब्वनयकुथिया ब्वनामिपिनिगु सुलः च्वंगु प्रतिभात पिब्वयता कासाया धिंधिबल्ला ग्वसः ग्वगुया खौं ब्याकसे ब्वनामि कासामिपिसं त्याकय्गु व सय्केगु काथं कासा म्हितय् मः धायो दिल ।

उगु ज्या इवःसं सूर्यदीप ई-स्कूलया प्रिन्सिपल लक्ष्मी प्रसाद प्रजाति जुं लसकूस न्वचु तयो द्यगु खःसा मू पाहाँ प्रमुख प्रजापति जुं कासाया धिंधिं बल्ला तः लाय्म धायोदिसे रेप्रीता (बल) भतिंगवारा लःल्हाड द्यगु खः ।

अन्तरक्रिया

भदौ २७ गते

खवप नगरपालिकाया उप प्रमुख रजनी जोशी जुं आत्महत्या पानय्गु ज्या हलिमय छगू तहांगु समस्या जुयो च्वंगु खौं ब्वाकसे थुकिता पानय्ता थी थी ज्या इवः त यायां वानय् मः धायो दिल । उगु खौं वयकलं खवप नगरपालिकाया ग्वसालय जगु स्वास्थ्य स्वयमसेविका पिनिगु मुंज्यासं विश्व आत्महत्या रोकथाम दिवसया लसताय जगु ज्या इवःसं 'आत्महत्या रोकथामसं स्वास्थ्य स्वयम सेविका पिनिगु नं तहांगु लाहा दैगु खौं नपां मानसिक व शारीरिक काथं स्वस्थ जुयो च्वनय्ता न्हिया न्हिथं स्वस्थ, नसा नयगु नपां स्वस्थ जीवनशैली डालय् मः धायोदिल ।

समाजय् वैगु विकृति म्हवचा याय् फःसा नं आत्महत्या याइपुं म्हवचा याय्फैगु खौं ब्याकसे वयकलं थुकिता पानय्ता सामूदायिक ज्या इवः त अपलं न्ह्याकय् मः धायोदिल ।

त्वचं मकैगु उपायत काँ कां मदिक्क स्वास्थ्य जाँच याकय् फःसा नं थजगु निरासा मवयो इलय् हे वास याडः स्वस्थ जुय फैगु खौं वयकलं काडः दिल ।

ज्या इवःसं खवप अस्पतालया निमित्त मेडिकल डाइरेक्टर डा. मजेश प्रताप मल्लं आत्महत्या गम्भिर व संवेदनशील समस्या



जगुलिं थये जुयतांगु छाया धाय्गु खौं सिइकः थुइकः इलय् हे न्वाय दःसा बांलाइ धायो दिल ।

अथेहे खवप नगरपालिकाया स्वास्थ्य संयोजक डा. रत्न सुन्दर लासिवं स्वास्थ्य स्वयमसेविकापुं समाजनपां च्वडः ज्या सानिपुं सामाजिक कार्यकर्ता जगुलिं आत्महत्या याय् मज्ज्युगु खौं ग्वाकः जनचेतना ब्वलांकय् मःगु खौं काडः दिल ।

हे. अ. कमलकेशरी राजचलं आत्महत्या छायाता धाय्गु खौं थुइकः उकिता पानय्ता छु याय् फै धाय्गु खौं या प्रस्तुतीकरण पिब्वसे आत्महत्या मयाकय्ता समुदायया तहांगु लाहा दै धायो दिल ।

मेयरनपां ब्वनामि मचात

भदौ २९ गते



बालबालिकापिनिगु लागिं छ्यःगु लाय गुळ्ले सितिं वानिमखु, उकिं ब्वनामिमचा तयूता चाकलीं च्वजाय्कः यंकयूता राज्यं हदाय तयो ज्यासनय्मः खुड्कगु राष्ट्रिय बाल दिवसया लसताय् जूगु 'मेयरनपां ब्वनामि मचात' ज्या इवः सं अन्तरक्रिया ज्या इवः नं जूगु जुल ।

ज्या इवःसं खवप नगरपालिकाया प्रमुख सुनिल प्रजापति जुं मचातयूयालागिं छ्यःगु लाय गुळ्ले सितिं मवानिगु अलय् संविधानय् बाल अधिकारया खाँ च्वयो तः गुलिंअजगु खाँ काडः मचातयूता हदाय तयो सरकारं स्वइगु खाँ काडः दिल ।

वयकलं खवप नगरपालिकां मचातयूगु लागिं कासाया पूर्वाधार काथं कभर्डहल दय्कः वियागु, शारीरिक ब्यायाम थाय् कासाया धिं धिं बल्ला याडः वयागु खाँ नपां बांलागु साँफूकुथि दय्कः यंकयूगु काथं 'जनज्योति पुस्तकालय' चिच्याहिपुं छात्रवृति बियो वयागु खाँ ब्याकः दिल ।

उलेज्या



खवप नगरपालिकाया प्रमुख सुनिल प्रजापति जुं भक्तपुर फुटबल क्लबया बार्षिक ज्याइवः काथं न्ह्याकगु 'नेकगु भक्तपुर ग्रासरूट्स टे' भतिग्वाराया फेस्टेबल ज्या इवः, भाद्र २९ गते उलेज्या याडः दिल ।

ज्या इवःसं ब्वनामिपिसं थमनं ब्वडागु विषयसं विशेषज्ञता जुयमःगु नपां समाजय् ह्यूपा ह्यूता शिक्षाया लिधांसा जुड्गुलिं खवप नगरपालिकां दांकः भिंकः आखः ब्वंक फःपुं जनशक्ति ब्वलांक वयागु खाँ काडः दिल ।

वयकलं खवप देता भ्रष्टाचार मजुड्गु पालिका दय्कः न्ह्यकनय् स्वय्थे पारदर्शिया नमूना काथं खवप दाडः च्वंगु नपां शिक्षाया जग निसें तयो च्वजःगु कलेज न्ह्याकः वगु खाँ नपां अवसरवाद व स्वार्थ मतः सें ब्वनामिपुं देश व समाजया नितिं ज्या याड्पुं काथं हज्याय् मः धायो दिल ।

वडा नं. ७ या वडाध्यक्ष उकेश कवां जुं शिक्षा खय् तस्कं लिपा लाडः च्वंगु खवप दे न्ह्यलुवा पिनिगु गवाहलीं देया ब्वस्यलागु पालिका जूगु अलय् पारदर्शी खवप दे काथं हज्याडः च्वंगु दः धायो दिल ।

अथेहे वडा नं. ९ या वडाध्यक्ष रविन्द्र ज्याख्वः जुं खवप नगरपालिकां सकलसिया मंकःगु स्थानीय सरकार उकीं थः नपां तयो बालबालिकापिंगु ज्या हज्याकः च्वंगु खः धायोदिल ।

शिक्षा शाखाया प्रमुख साधुराम फ्यूँलजुं खवप नगर दुनयें ३५,१४२ म्हा ब्वनामिपुं ब्वडः च्वंगु दः धायोदिल ।

उगु ज्याइवःसं ब्वनामिपिसं सम्पदा ल्यंकः म्वाकः तयगु, हनुमन्ते खुसी सुधार, कासा ख्यः अज बांलाकयगु, ब्वनय्कुथि खुसि बःलं बुरय् जूगु, समावेशी शिक्षा, स्थानीय पाठ्य पुस्तकका खाँ न्यंगुलि लिसः बियो द्यूगु खः ।

सिरपा लः ल्हायूगु ज्या इवः



खवप नगरपालिका वडा नं ७ या ग्वसालय राष्ट्रिय बाल दिवसया लसताय् जूगु 'सरसफाइमा बालबालिकाको भूमिका' विषयलय वडा नं ७ ब्वनय् कुथि ब्यागु वक्तृत्वकला (न्वचुकला) ज्या इवः क्वचाय्क भाद्र २८ गते खवप नगरपालिकाया उप प्रमुख रजनी जोशीं सिरपा व दसिपौ लः ल्हाडः दिल ।

ख्वप बहुप्राविधिक अध्ययन संस्थान नर्सिङ्या न्हूँपुं ब्वनामिपिन्ता लसकुस
(२०८१ मदीं २० गते)



ऐतिहासिक भाजु पुखुली सुचुकुचु ज्या इवः

(२०८१ मदीं १५ गते)



ख्वप नगरपालिकाय् 'मत्तपुर काण्ड' या लुमन्ति ज्या इवः

(२०८१ मदी १३ गते)



खुइकगु बालदिवसया ज्या इवः सं ब्वनामिपुं

(२०८१ मदी २९ गते)

